

讀  
春  
秋  
管  
見

海國讀春秋管見卷之十  
慎齋羅典徽五氏定稿

昭公

男紹邾孫

善恕賢

校字

元年

春王正月公卽位

管見家氏鉉翁曰昭公乃子野之弟魯大夫穆叔謂太子死有母弟則立之無則立長子野非嫡夫人之子不當立其嫡子則襄公諸子有年長當立者季氏利昭公之幼弱而立耳昭公越次而立而猶必書卽位者竊觀聖人之微

曰蓋正季氏之罪也季氏犯上作亂漸不可制昭公起而誅之事不克濟殞身於外嗣子復為賊臣所擯不得有國若不書即位無以明君臣之分正亂賊之戕故書即位為其有討亂之心與為大夫所立而俯首屏息受制賊臣者不同矣此書即位之變例也按家氏所論推闡透入深處當詳錄之

叔孫豹會晉趙武楚公子圍齊國弱宋向  
戌衛齊惡陳公子招蔡公孫歸生鄭罕虎  
許人曹人于虢

管見虢杜注鄭地案東虢君為鄭所滅故為鄭地其會于虢者特以會為期焉耳傳謂尋宋之盟而楚之公子圍恐難再先于晉以飲乃請讀舊書加於牲上而止晉人許之殆未必然蓋盟之有書必為欲用牲加書於其上既盟則埋

之宋之盟。雖今已五年。其誓書猶可出而讀之。耶。且盟書埋於宋。號為鄭地。亦無從得而取其書也。或者盟書必有貳以藏之。讀舊書。即為讀其貳。與而亦不可遂謂然也。彼盟宋之卿大夫皆稱盟耳。其書必首列諸侯之名。乃以攝盟之卿大夫附其後也。前之盟齊。不與焉。此未會之齊國弱矣。所附之。又攝盟之卿大夫。惟魯之叔孫豹與主盟之晉趙武。及與盟之蔡公孫歸生。並其成。是盟之宋向戌。以地主而經不名者。此數人得如前。他若楚之屈建。今易以公子圍。猶之石惡。今易以齊志陳之孔奐。今易以公子招。鄭之良霄。今易以罕虎。其於舊書之云。絕不相符矣。從可知此會於號者。自前之盟于宋。即約五年以後更為之會。以固是盟。可不必尋盟也。而會之時。或前有未與盟而亦欲來會者。則可以增一人。而亦或前者已與盟而以故不及來會者。則又可以更一人。而故值此昭公元年。春王正月。春秋書叔孫豹會晉趙武。是公子圍齊國弱。宋向戌衛齊惡。陳公子招蔡公孫歸生鄭罕虎許人曹人于號。公

子圉傳有稱王子者楚子偕王其公子國必囚之汪氏克  
克曰宋統兩役楚屈建公子國亞於晉趙武而叙於諸侯  
大夫之上皆兩霸之辭也齊國弱為齊國佐之子其兄國  
勝成公末年傳齊為慶氏之難故殺其大夫國佐亦殺國  
勝而國弱來奔後齊侯使反國弱以嗣國氏至是三十三年  
於會統始見焉宋之盟無齊不欲成晉楚之並霸也統  
之會有齊亦猶利晉楚之弭兵矣孔氏穎達曰經於八年  
許陳侯之弟招故知是陳侯母弟也或稱弟或稱公子者  
以八年招殺世子故稱弟以卓招罪此年奉使以  
會諸國非義例之所興也此足以廣公羊之說

# 三月取鄆

管見鄆地在今山東沂州府之沂水縣舊本莒邑其為魯  
所有蓋在春秋以前及文公十二年莒謀復其故鄆是年  
季孫行父滅諸及鄆備莒之圖鄆也後卒為莒所有是  
以成公九年冬莒公子嬰齊伐莒莒潰楚人入鄆自是以

後至襄公十二年莒人伐我東鄙。圍台。季孫宿帥師救之。遂入郕。破之。而己其能取乎。但茲昭公元年三月。書取郕。說者皆謂乘莒之亂而取之。是矣。觀去年十一月。莒人滅其公。密州今年秋。莒去疾自齊入于莒。莒展與出奔吳。則其間三月。莒之舊君弒而新君未定。季孫宿報帥師以乘其亂而取郕焉。豈不誠然乎哉。若夫魯既取郕。傳辭莒人使告於會。楚子以魯潰齊盟。請晉侯戮其使叔孫豹。趙孟故晉侯請於楚而乃免之。殆無是事也。晉楚二卿及諸侯之卿大夫。以正月會於虢。何至三月而猶未歸耶。縱使未歸而前之盟宋與今之會虢。經所書者止於許人曹人莒人皆不與。亦何繇而得告於會乎。

## 夏秦伯之弟鍼出奔晉

晉見此秦伯者。秦景公也。剛父桓公榮立。其母弟鍼。傳稱其有寵於先君桓公。與景公如二君焉。景公凡在位四十

年卒。值茲昭公元年。已及三十六年矣。亦或慮其子哀公將為弟鍼所逼。不得嗣為後。乃於是年夏逐之。如有罪。然故春秋書秦伯之弟鍼出奔晉。鍼非不弟。因以弟稱焉。然不失其為弟。則無罪。而秦伯欲加之罪。弟鍼懼不免。乃出奔晉。稱出奔。則潛脫而疾走也。秦伯以何辭加之罪乎。是當謂其富比公室。將謀篡奪云爾。夫鍼為先君所寵。又經其兄景公在位久。豈能以不富哉。獨觀傳之侈陳其富者。以為出奔至晉時。其車千乘。將享晉侯。造舟於河。十里舍車。自雍及絳。歸取酬幣。終事且八反。此雖秦伯適晉。傾國以從。猶將力有所不給。亦且勢有所不行也。而謂秦伯之弟鍼出奔晉者。乃優為之。誣亦甚矣。

## 六月丁巳邾子華卒

晉見邾子華。以襄公十七年。繼邾子慆立。及茲昭公元年夏六月丁巳。邾子華卒。凡在位十六年。邾子穿嗣之。

# 晉荀吳帥師敗狄于大鹵

晉見大鹵。公欲作太原。杜注。太原。晉陽縣。地志。秦始置太原郡。其古名。為晉陽。後定公十三年。晉趙鞅入於晉陽。以叛。即其證也。何以此於太原而別稱大鹵哉。攷說文。鹵。地曰鹵。今太原產鹽。其地戎有。名大鹵者。與。前僖公三十三年。晉人敗狄于箕。箕在今太谷縣。與太原相距一百二十里。皆狄境所瀕。是時狄無分名。至宣公三年。四年及八年。始有赤狄。白狄之別。由十五年夏。晉滅赤狄潞氏。十六年春。晉復滅赤狄甲氏。及留吁。存者惟白狄而已。故成公十二年秋。晉人敗狄于交剛。初。不必指其為白狄。而但以秋稱。無不可。晉自交剛之役。以來。越茲昭公元年。凡三十九年。狄未嘗為患。而此年六月。晉荀吳帥師敗狄于大鹵者。趙氏。鴻臚曰。大鹵屬今山西之太原。在晉之東北。無乃為晉邊鄙之患。而晉敗之。與此為敗狄補說所由。亦不為贅。惟春秋書法簡而該。如僖公八年。但書狄伐晉。而晉



之未能敗狄不言可知此年但言晉荀吳帥師敗狄于大  
鹵而狄之已先伐晉亦不言可知矣狄不可縱僖文之世  
齊宋魯衛皆懼其害此前鑒也值今敗狄于大鹵終春秋  
而狄皆飲不敢以逞則此師可輕議乎或猶以荀吳帥  
師為荀偃之子好立功以張其私室所論未免於苛至  
於敗狄之策傳稱發自魏舒以為彼徒我卑所遇又阨必  
不克乃毀車用卒曰自我始荀吳之嬖人不肯即卒魏舒  
斬以徇是謂創立非仍舊也然晉之前伐赤狄潞氏及甲  
氏留吁並處今潞州長子屯留境介在王屋太行之間崎  
嶇險隘為特甚苟不早為毀車用卒何由而滅之耶若所  
稱毀車為行云云者經趙氏詳釋之其以什共車言以十  
士共一車之地而與敵鬪意亦未達也惟五乘為三五言  
句者每乘三人五乘為十五人今五人以伍三五亦十五  
也此似總毀車五乘之甲士而分編之有可揣而知耳他  
如為五陳以相離使之却遠而易於進退其所分五陳者  
兩於前伍於後焉為右角參為左角偏為前拒以司馬法

區之五十乘為兩。百二十乘為伍。八十一乘為專。二十九乘為參。二十五乘為偏。此其前少後多。右多在少。及前拒之較前後左右為少。此未審其差數。何以定之。且其布列之前後左右以及前拒。皆莫得決其過於既而不用。否也。大抵左氏之言兵法。獨以古者車戰之說。槩據胸中。故雖毀車用卒。仍取車乘之名。目強為牽合有如此。

## 秋莒去疾自齊入于莒

管見陳氏宗之曰。去疾長當立。則莒本去疾之國也。故春秋正之曰。莒去疾入于莒。不與密州之舍去疾也。不與國人之君展與也。此說於入于莒三字語意透。

## 莒展輿山奔吳

管見李氏廉曰。國無二君。常例也。衛衍與剽。莒展與去疾。皆以二君書者。變例也。彼哭方入國。糾方爭國。故不得書。

讀家大管見卷十一

昭公元年

國昔子今展與既立踰年成君矣其不書爵已足以見絕  
之之意若又不書莒何以見其已立乎按展與繫以國只  
合如此解若高氏以為書莒展與者若曰  
是莒之展與而非莒之君也太涉深曲

## 叔弓帥師疆鄆田

管見高氏閔曰文十二年季孫行父常帥師而城之復為  
莒所取今乘莒之亂而取之又帥師以疆其田必帥師者  
以不義取之懼不服也疆之者溝封之以別乎  
莒也何以書譏其乘亂牟利也按是說周匝

## 葬邾悼公

管見高氏閔曰入春秋來邾始書葬蓋邾滕薛小國也秦  
遠國也皆至昭公而書葬是魯衰甚矣小國如大國或國  
如近國此  
論亦確

# 冬十有一月己酉楚子麇卒

〔管見〕初楚共王審無冢嫡有寵子五人長康王昭次公子圉公子比公子黑肱其季則公子棄疾也共王審卒立康王昭在位十五年卒其子立即此楚子麇也既立以其父之弟公子圉為令尹公子比為右尹公子黑肱為左尹此年冬傳稱公子圉將聘于鄭伍舉為介未出境聞楚子棄疾而還伍舉遂聘十一月己酉公子圉至入問疾繼而弑之遂殺楚子麇之二子幕及平夏公子圉自立右尹公子比出奔晉宮厖尹公子黑肱先以使與伯州犂城鄭邑犂犂郛開之亦即奔鄭惟公子棄疾猶在楚耳公子圉蒞楚子麇于郛謂之郛放孔氏頴達曰楚子麇為公子圉縊而弑之不經書卒者襄七年鄭公子騃使賊夜弑僖公斃頑而以瘞疾赴於諸侯而經書為卒知此弑楚子麇之跡當日必甚秘而以偽赴故魯史亦承赴書之春秋因而不革也與鄭伯斃頑之書卒同義

# 楚公子比出奔晉

管見高氏閔曰。公子圉既弑其君。並殺君之二子而自立。比為右尹。力不能制。是以出奔。春秋書之。為十三年。楚公子比自晉歸于楚。弑其君虔於乾谿。以此備其事之始。朱耳虔即公子圉。既即位而更其名也。致虔之為義。說文云。虎行貌。又爾雅釋詁。虔固也。書呂刑。奪攘矯虔。疏云。若國有之言。取得人物。若已自有也。此殆其更名之意。與至此年。楚子麇卒。楚公子比出奔晉。其公子黑肱亦出奔鄭。而春秋不並書者。蓋以十三年弑其君虔之公子比。其自晉而歸于楚。即此年出奔于晉之公子比也。是有專罪。不得分其罪於公子黑肱。故從畧焉。

## 二年

春晉侯嬴以韓起來聘

見汪氏克寬曰。前此晉之聘魯者九。未以上卿執政者。將命。今韓起始以去年為政。而是春即聘于魯。蓋霸業漸衰。而欲以嘉好結魯也。是實揣合晉平公之時勢以立言。其使韓起來聘之意。當不出此。至左傳因其來聘而綴以餘事。謂韓起觀書於太史氏。見易象與魯春秋。曰。周禮盡在魯矣。吾乃今知周公之德。與周之所以王也。竊計是年韓起來聘。魯孔子方十二歲。易象無傳。何以能觀魯春秋。未經筆削。又安得有可觀耶。且其矢口論贊。與前吳季札之請觀周樂同。其辭皆彷彿似之。既屬不可推究。而又謂韓起自魯適齊。見公孫寵。子雅。子雅召其子子旗。使見韓起。韓起曰。非保家之主也。下臣見公孫黃。子尾。子尾亦以其子子良見韓起。韓起又曰。非保家之主也。亦不臣此。復與前季札之聘魯而說叔向。輒謂之曰。子其不得死乎。好善而不能擇人。其為狂慙。無以別。尤屬不近人情之至。則直指為妄而不可信可矣。

# 夏叔弓如晉

管見叔弓之如晉。以為報韓起之來聘。是矣。但韓起為晉正卿執政。晉侯使之來聘。蓋重魯也。而公使叔弓報之。其執政之正卿。如季孫宿者。不行。則晉侯與韓起必謂公及季孫宿皆輕晉而於叔弓之在晉者。詰之有怒意。無怒辭焉。公能安乎。季孫宿又能安乎。從可知此年冬。公如晉。至河乃復。季孫宿如晉。特緣魯以叔弓報聘。招晉之尤。遂皆僕僕道途。以求悔罪於晉也云爾。

## 秋鄭殺其大夫公孫黑

管見鄭之七獲良駟二族為強。而駟氏尤甚。以其與平氏豐氏木同母兄弟。可恃為黨援耳。前襄公三十年。鄭良霄出奔許。自許入于鄭。鄭人殺良霄。此皆駟氏之公孫黑。以其私甲攻之。故至此也。自良霄殺而良氏微。則駟氏之勢

橫豈不可制矣。三十一年，平虎子皮，不私於邾氏。邾公孫  
黑欲除之，以政授子產。昭公元年，公孫黑爭游氏。公孫楚  
已聘之女，不將，乃紫甲見公孫楚。公孫楚知其特殺已也，  
擊之以戈。公孫黑傷而歸。大夫皆謀之。子產謂直鈞、幼賁  
有罪，乃執公孫楚放之於吳。於公孫黑不問，意蓋欲掩其  
惡而後加誅焉。爾值茲昭公二年秋，公孫黑將作亂，欲去  
游氏而代其位，傷疾作而不米。邾氏與諸大夫欲殺之。子  
產在鄙聞而乘遽以至，使吏數其罪，偏令自殺，乃繼而死。  
春秋書曰：鄭殺其大夫公孫黑，其有罪而不削其裔者，以  
公孫黑之為大夫於七穆中，獨赫赫在人耳目間也。蓋良  
霄與公孫黑皆為大夫，殺大夫良霄者，非即此大夫公孫  
黑乎？前於公孫黑所殺之良霄，不明其為大夫。此於殺良  
霄之後，殺其殺良霄之公孫黑，則正斥其為大夫，亦足  
借以見鄭之良駟二族，其大夫皆怨而邾氏為尤甚矣。

# 公如晉至河乃復季孫宿如晉



管見左傳云。晉少姜卒。公如晉。及河。晉侯使士文伯來辭。曰。非伉儷也。請若無辱。公還。季孫宿如晉。致襚服焉。按晉有少姜之喪。諸侯弔之。皆如其嫡。亦時實使然。顧何以魯之共事。乃至公及季孫宿皆同時而如晉哉。是足以決其必不然矣。今就經求之。此年春。晉侯使韓起來聘。夏。叔弓如晉。報聘也。叔弓非正卿。晉以魯之季孫宿不行。而公亦不使季孫宿行。是為輕晉。必將無禮於叔弓。以發其罪。魯之意矣。而傳猶稱叔弓至晉。晉侯使郊勞。又使授館。叔弓禮辭。晉叔向許其知禮。夫寧有是耶。晉罪魯。而魯因謀悔罪於晉。以故叔弓還。而是年之冬。公不得已而如晉。季孫宿亦不得已而從公如晉也。然公之如晉。至河乃復者。由晉侯未得釋然於魯。而使入卻之耳。其意以為魯既輕晉。猶將以魯侯疾止。比於諸侯之相朝。以賓禮接遇。非所願也。且其時值少姜卒。方事治喪。禮不容以吉凶相干。則持此以卻魯侯。亦不患無辭矣。但晉都於絳。距南河終二百餘里。公自魯越疆而西。經曹宋衛鄭而至潁。晉之河乃不

其受傷亦不少矣。若夫公還而季孫宿卒，當如晉先何為而晏安？今何為而奔走？非惟無以自解於晉侯，亦且無以自解於糾起也。季孫宿之受晉挫辱，尚可問乎？他無所為，惟是因少姜以用情者，致謾而外更從之以送其葬，至於墓，庶可以已也夫。

三年

春王正月丁未滕子原卒

管見凡諸侯不生名，示有尊也；死則名之，示不泯也。至於葬之有謚，則但以謚書，又所以諱其名也。然惟魯會其葬者，乃得書謚，不然則否。故此滕子原之前為文公葬，有名有謚，以不會其葬而不得書謚，則無以諱其名，故於成公八年夏四月辛未書滕子卒，不書其名曰壽也。滕子之卒葬並書自此，滕子原始。滕子之因葬得書謚而先得於其

卒書名者亦自此勝子原始也

# 夏叔弓如滕五月葬滕成公

管見杜氏預曰卿共小國之葬禮過厚。葬襄公。滕子來會。故魯厚報之。高氏閔曰。此與二十二年六月書叔鞅如京師。葬景王。無以辨矣。趙氏鵬飛曰。魯未嘗會小國之葬。其公之葬。滕子來會葬。故魯以叔弓報會之。然天王之葬。魯有所不會。或以微者會之。今滕小國。而以卿會葬。何厚私情。而薄王禮也。厚薄之間。諸侯之情見矣。按此葬滕成公。特指出叔弓如晉。亦本寓有譏意。集說所載。不為深文。

## 秋小邾子來朝

管見季氏本曰。小邾穆公。雖累從晉。列於諸侯。而不失事人之禮。本魯附庸故耳。按小邾子遠從於晉。亦近附於魯。

朝不悉書。此書者，以小邾子為楚之  
季也。統年及廢子，然俱軍於鄭伯、許男、徐子、滕子、子  
則其間焉。則以明年國之  
故亦大矣。

## 八月大雩

## 冬大雨雹

管見左傳八月大雩，旱也。以旱禱雨，豈嘗聞其得雨哉。伏  
不雨而冬乃大雨雹，春秋聯書之，則直譏其八月之大雩  
特以冬之大雨雹為其應耳。禮記月令云：仲夏之月，行冬  
令，則雹凍傷穀，雹如冰塊之破碎者，故以雹凍稱焉。雨雹  
而大，人咸見其與彈丸同者，屋瓦  
皆不得免，人亦避之，其傷穀可知。

# 北燕伯款出奔齊

左傳北燕伯款多安寵欲去諸大夫而立其寵人比  
年冬燕大夫比以殺其君之外嬖北燕伯款懼出奔齊夫  
比為堂同伐異之謂其先固有謀矣而北燕之大夫如是  
度其間必有前出奔北燕之齊高止在焉是實為之謀主  
也蓋齊之高止以襄公二十九年出奔北燕及茲昭公三  
年居北燕者既六年矣稔知北燕君臣之猜嫌觸忤難必  
作乃乘間說以權變之策必使君避位而國乃用以安如  
所聞鄭之出忽立突曹之出羈立赤衛之出行立剡皆已  
事也。不可踵而行之乎。於是燕大夫以為然。輒相比以共  
殺其君之寵嬖。北燕伯款偪於孤危計無所出遂自北燕  
而出奔齊也。或疑北燕大夫之亂徒以高止先出奔於北  
燕直謂其亂謀由之以始何以信其於高止為不誣耶曰  
是。可。以。此。事。之。始。終。散。見。於。經。者。參。訂。之。如。茲。昭。之。三。年  
冬。書。北。燕。伯。款。出。奔。齊。豈。竟。莫。能。舍。此。而。他。適。哉。蓋。知。此。

止於燕巨室。齊能逐之，必能討而殺之。故爾及昭之六年，  
冬，書齊侯伐北燕，將以納北燕伯也。而傳紀晏子之言曰：  
「不入燕有君矣。」民不貳，凡皆高止與燕大夫所早為。齊定  
者，齊侯其如燕何？師還，其又如此。北燕伯款行，至昭之十  
二年春，書齊高偃帥師納北燕伯于陽。高偃為高止之從  
弟，此正可於對面想見其有高止矣。齊何緣而復納北燕  
伯？傳曰：「因其衆也。」謂北燕之別邑為陽。陽之衆欲納北燕  
伯，而齊乃因以納之，非齊侯之本志也。其納北燕伯于陽，  
而必使高偃帥師者，高止將老於北燕，其從弟高偃詎能  
不圖自立於齊，以存高氏哉？是必聽其納北燕伯于陽，而  
後得反命齊侯，以免於罪戾也。齊之使高偃帥師，其意必  
出於此。而北燕伯之卒得納于陽者，必由在北燕之高止。  
主謀受之，既可知矣。即是以推，而北燕伯之先不免於  
出奔齊者，亦必由在北燕之高止。主謀逐之，並可知矣。

四年

# 春王正月大雨雹

晉見去年冬大雨雹。今年春正月。復大雨雹。則凡秋種之穀。待春而滋長者。若魯。頌所稱。種。穡。菽。麥。之類。其傷為已甚矣。故此二年之交。春秋於其大雹之後。即聯書大雨雹。以重譏之。至左傳載魯人申豐之言。以雹之為災。歸咎於冰之失。胡傳云。山谷之冰。藏之也。周用之也。徧亦古者。本未具舉。胡變之。一事耳。謂能使四時無愆。伏凄苦之災。雷出不震。無留霜雹。則亦誣矣。黃氏仲炎曰。魯於冬春間大雨雹者。再時。魯人申豐。區區以不藏冰為咎。可謂矯誣上天矣。得非有所畏。而不敢正言之。與抑豈非黨附季孫。故曲為之解。使其君莫之疑。與二說立銜。並明達蘄正。

夏楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于

申

# 楚人執徐子

晉見此中之會。楚子。為吳。故也。自襄公二十七年夏。叔孫  
豹會晉趙武。楚屈建。蔡公孫歸生。衛石惡。陳孔吳。鄭良霄。  
許人曹人于宋。秋七月。盟于宋。又昭公元年春正月。叔孫  
豹會晉趙武。楚公子圍。齊國弱。宋向戌。衛齊惡。陳公子招。  
蔡公孫歸生。鄭罕虎。許人曹人于訖。凡諸侯在楚北者。楚  
皆得而有之矣。惟吳與楚相抗。則恐其通於晉。以及他國。  
將與楚爭諸侯也。乃為會于中。使自中。以東至於海。邦淮  
夷皆聞其道。而不通吳。使耳不能伺。如淮夷。非徐之今  
得。得子者。此也。楚僭王號。至靈王。度而汰侈尤甚。何所重  
於淮夷。而忽微之。使與會哉。蓋淮夷在今之淮安及海州  
其西。核壤於徐徐屬今之泗州。泗州北為徐州府。即宋之  
彭城也。滕當彭城之北。今滕縣小鄉。又當滕之西北。今鄭



縣地不相連。若使皆閉其道而不通。吳使則吳欲適魯而不可得。復何從自魯而他適哉。故此年夏。楚子至。今南陽之宛。縣是古所謂中也。其以申為之會所。而使徵諸侯。諸侯一時駢集。乃因其國。爵為之班次焉。先蔡侯。陳侯。鄭伯。許男。是皆在楚北而近楚。其來會。固恐後矣。至於楚東之徐子。及徐北之滕子。並為吳通中國之道所必經。則楚得憑之以控吳也。可不使從蔡侯。陳侯。鄭伯。許男之後乎。若夫頓子之國。在今陳州之項城。胡子之國。在今潁州之汝陰。沈子之國。在今汝寧之汝陽。皆較之蔡。陳。鄭。許為尤近楚。蓋復來會之恐後。有必然者。而彼小邾子近滕之國。遠在楚東北。其來會亦與滕俱。是又得使之助滕以控吳也。則以小邾子從於頓子。胡子。沈子之後宜矣。惟夫宋國之東鄙。介在徐及滕與小邾之間。其控吳尤為扼要。而此中之會。宋公不得親行。以其世子佐來。亦足攝其君以將事。仍當從於小邾子之後。使列在諸侯也。他若淮夷之不前於中國。沿海以居。此吳之所不能屬。而獨前與於徐。觀書

之費。楚及晉之江漢常武可證。徐久服楚。楚使徐子以  
引。而淮夷亦赴中之會焉。則雖不得參於諸侯之列。  
而有事也。子佐以聞之。則欲加於淮夷而使從其後矣。  
不可。或以是而會于中。楚既得仗之聞。吳道以不通。吳使  
凡楚外之諸國。若前所為會。吳子亦道于戚。于桓子而者。  
皆莫由踵行。而楚子即當身有事於伐吳矣。乃及其會中  
之時。楚子忽於會中。特執徐子。則何以故。劉氏敞曰。楚人  
懲吳徐子吳出也。以為或焉而執之。季氏本曰。徐服楚已  
久。此則謂其不能閉道為或已耳。見史。史季札北使。過徐  
可知。其通上。因必由徐矣。按徐本徐戎與淮夷等。此獨舉  
其國。而稱徐子。則其先因得此諸侯矣。人徐地與吳為鄰。  
因是以求通婚。亦事所必有。蓋有謂徐子之為吳出。非  
有據哉。且其之二十九年。吳子使札來聘。見於經。史記復  
稱季札之初使。北過徐君。徐君好季札劍。口弗敢言。季札  
心知之。為使上國。未獻。還至徐。徐君已死。乃解其寶劍。繫  
之徐君冢樹而去。從者曰。徐君已死。尚誰予乎。季子曰。不

然始吾心已許之。惡得以死倍吾心耶。是雖其行之好義。要亦必因徐君為吳壻吳女。亦有子。則為今之徐子。札乃親弔於其墓。有如此耳。惟繫劍一節。頗異常情。為衆口所訾。美其亦聞於楚。以及夫子也。與及茲昭之四年夏。楚子為會于申。而吳出之。徐子與焉。則楚子以前季札過徐之已事詰之。徐子不得以為非實。於是楚子輒咎徐子之歟。於吳以為今方會申。以閉吳道。徐為首途。所自入。而徐子為吳甥。獨貳於吳。吳詎無有比於季札者。仍事潛行。過徐以通上國乎。遂命執之。故春秋聯書曰。楚人執徐子。凡諸侯之貶例。至人而止。而楚之貶而稱人。則尤有加焉。蓋諸侯削其爵。其人為中。云之民。楚子削其爵。其人則南方蠻也。此獨與會申之淮夷引為僂伍焉。庸可冠於蔡侯陳侯鄭伯許男與夫徐子滕子頓子胡子沈子小邾子以及宋世子佐哉。若乃此書楚人而上。仍書楚子者。先指目而後論定。雖分見當合看也。

秋七月楚子蔡侯陳侯許男頓子胡子沈  
子淮貜伐吳  
執齊慶封殺之

遂滅賴

管見此年夏會于申者共十三國及秋七月楚子會伐吳則止八國者蓋自宋之盟以弭兵為辭但請晉楚之從交相見猶不得交相役也故惟蔡侯陳侯許男及頓子胡子沈子皆久服於楚者楚子能徵其師以伐吳焉至徐子亦久服於楚以會申而為楚子所執未得釋乃不與也其他如鄭伯滕子小邾子並宋世子伋於時屬在從晉而楚子之伐吳欲徵其師豈所及哉若淮貜之新通於楚楚子會申之後繼以伐吳必不徵其師也而淮夷則復從之豈以

申之會。得月於諸侯世子之末。竊重其加寵而思自効於  
楚子。子將豈以會申之寵。由徐子引而致之。而今乃被執  
即。以從伐吳者。悅楚子而期以釋徐子乎。是皆所應有矣。  
惟春秋書於七月。楚子蔡侯陳侯許男頓子胡子沈子淮  
夷伐吳。即聯書曰。執齊慶封殺之。遂滅賴。其得志於吳者  
絕不聞其他也。一似無與於吳焉。耳。前襄之二十八年。齊  
慶封來奔。傳稱齊人來讓。復奔吳。吳勾餘子之朱方。杜注。  
朱方吳邑。頗師古曰。漢丹徒縣。吳朱方也。唐為潤州。宋改  
軍名鎮江。後升為府。明因之。皆以丹徒為附郭。丹徒之義。  
舊謂秦時望氣者言其地有王氣。始皇使赭衣徒三千塞  
京峴山為長坑。以敗其勢。因名丹徒。然則丹與朱色同。雖  
可牽合。而自始皇乃有是名。亦不可據。以為周之朱方也。  
且鎮江之丹徒。為吳要衝。水陸皆由之。其肯以罪齊卿亡。  
命之慶封哉。若夫因執殺慶封而遂滅賴。公穀賴皆作厲。  
厲國有賴音。然值之十五年。齊師曹師伐厲。杜注。楚與國  
義陽隨縣北有厲鄉。在今湖廣德安府之隨州。是即厲音。

而一之及考路史國名紀頌于前蔡之襄信縣有賴亭昭  
四年是滅之春秋書滅賴古本作厲世以為即厲非也此  
於賴字為有辨矣但此賴在蔡之襄信襄信即今河南信  
陽州之息縣也與厲之在湖廣隨州者並綿延為楚塞何  
以楚子伐吳遠及鎮江丹徒之朱方執殺齊慶封乃舍吳  
而還師至楚欲舉河南信陽之賴而滅之乎此於伐吳非  
順途亦於伐吳非繼事不可以遂稱焉瀕更審之竊意楚  
子此次之伐吳當出江淮間而及徐與吳接壤之處由先  
之會中而執徐子憤其或於吳也吳之朱方蓋本徐邑而  
吳侵而有之故今以予齊慶封耳昔周穆王時徐偃王得  
朱弓矢以為天瑞遂僭號稱王則吳因其得弓矢之地而  
名為朱方也與弓矢不可而朱方奇則稱朱以該弓矢猶之  
偃王以弓為名亦謂弓之足以該矢而已徐有朱方而為  
吳所得者已久後舉以予齊慶封夫徐欲與為吳之外蔽  
以靖疆事乎傳亦謂慶封在朱方聚其族而居之富如其

舊則常楚子伐吳之師。至必將堅圍以拒楚師。使不得更進。楚子然原攻克之。亦即入執齊慶封而殺之。而慶封之族與同。正當亦因之。一空是為遂滅朱方矣。而經文乃書遂滅賴者。大抵賴即朱方也。此後哀公六年傳云。齊陳乞召納公子陽生。將弑其君安孺子荼。使胡姬以安孺子如賴。注。賴。齊邑。是齊亦有賴矣。意者慶封在齊。其先世之賜邑。即為賴。及奔吳。而吳與之朱方。乃即因在齊之賜邑。移其名於朱方。而若固有之。與由此言之。朱方為吳之公名。賴為慶封之私名。不書朱方而書賴。欲揭其私。使眾著也。然慶封之以朱方為賴。亦自謂慶氏之賜邑。不獲世傳於齊。猶可世傳於吳矣。夫豈知其遂滅賴者。固不使其身後之有一遺也哉。

## 齊取鄆

常見黃氏仲爽曰。自襄之六年。鄆見滅於莒。遂為莒邑。至是。魯乘莒亂而有之。故言取也。書取鄆者。明魯人苟貪其

主無與滅繼絕之義也。按前之莒人滅鄆，由莒女為繼室於鄆，有子莒欲廢其世子巫而立己女之子。世子巫自片以怨於魯，昔魯僖公有女季姬適鄆子，舊有婚姻之誼，故魯亦嘗為鄆謀之。當襄之五年夏，叔孫豹以鄆世子巫如晉，又是年秋公會晉侯、宋公、陳侯、衛侯、鄭伯、曹伯、莒子、邾子、滕子、薛伯、齊世子光、吳人、鄆人于戚，所謂鄆人者，即鄆世子巫也。凡皆欲恃此以定鄆之嫡嗣耳。及六年秋，鄆子卒，莒人遂逐其世子巫而立莒女所出之子，子稚弱，使莒大夫之強幹者輔之。鄆皆俯首聽命，是實仗鄆汶於莒矣。故春秋書曰：「莒人滅鄆。」值茲昭公四年，滅鄆已二十九年矣。書滅之時猶未滅，似滅而今則其已滅者矣。豈復知為鄆手？魯以是年九月乘莒亂而取之，與元年三月之取郕同。初不聞更求鄆之後而立之也。然則取鄆即是滅鄆，徒以魯無貶而稱人之例，不得云「魯人滅鄆」，或如所云「莒人滅鄆」已明。



# 冬十有二月乙卯叔孫豹卒

管見叔孫豹之卒。據左傳。溯其致死之由。則以淫。究其瀕死之狀。則以餓。徒因私於庚宗一宿之婦人。遂寵其子豎牛。使為家政。輒信其譖。以深憤已子孟丙及仲壬。一殺一逐。卒至身疾不得食。餓而死。春秋乃於此年書冬十有二月乙卯。叔孫豹卒。何以與正。莞者。初無別乎。蓋由豹有庶子叔孫舍。傳皆作姒。豎牛立而相之。既立。舍朝其家衆曰。豎牛禍叔孫氏。使亂大從。殺適立庶。又拔其邑。以與南適。罪莫大焉。必速殺之。牛懼奔齊。孟仲之子。殺諸塞闕之外。投其首於寧風之棘上。豎牛討而叔孫豹可。以書卒矣。

## 五年

## 春王正月舍中軍

魯有三軍。胡傳引魯頌公車千乘。公使三萬為旌。則主。惡得從而舍之哉。按舍字。亦有去聲音。故凡師行一宿為舍。舍凡三十里。以止息為義。魯之舍中軍者。謂不出中軍以越境伐伐。乃專留中軍以踞城防禦耳。中軍將必屬正卿。惟晉為最著。故其將中軍者。子孫或因以號。中行氏焉。魯政在季孫宿。知其中軍之將必非其人任矣。於時與季氏稱三家者。叔孫氏較仲孫氏為稍強。則叔孫豹必將上軍。仲孫履必將下軍。不皆可推見與。惟豹之將上軍者。雖亞於宿之將中軍。而猶尊於履之將下軍也。且豹為宿之從兄弟。亦非履為宿之從孫。若比其分本。不可抑。又況前自襄公二年已書叔孫豹如宋。猶及宿父行父之執政。時自後晝襄之世。及茲昭公五年。豹之在卿位得經三十。六年矣。豈不復以老成著望哉。故當季孫宿之攬權自用。亦仍不能盡禁叔孫豹之獨持異議也。適值去年冬十有二月乙卯。叔孫豹卒。於是季孫宿得惟所欲為。乃遂於此。

年春王正月。倚其將中軍之勢。而忽有此舍中軍之舉矣。夫中軍以係上下二軍。而獨主於舍之。則或舍於國都。或舍於郊邑。總令其以守待寇而已。是季孫宿之將中軍。為無事。乃即有以代叔孫豹將上軍之闕。而使仲孫纁之將下軍者。並為所指揮矣。寧復容此後之叔孫氏。尚得參掌兵柄也。耶。如是則政歸於季孫宿。兵亦總於季孫宿。非志在保魯。實欲因之以固費非止固其衛身。並思憑以護其子孫。故自有中軍以來。從未聞有舍之者矣。而創見於季孫宿。其意可勝誅乎。

## 楚殺其大夫屈申

〔管見〕左傳云。楚子以屈申為貳於吳。乃殺之。以屈生為莫敖。季氏本曰。殺屈申非其罪。故不去其大夫。按前成公二年及七年傳。楚之申公巫臣亦稱屈巫。因使齊而竊夏姬以行。使介反幣。遂奔晉。為邢大夫。楚子重子反殺屈巫之

族分其室。屈平謀報之。乃自請使吳以通吳於晉。遂散吳以乘車。戰陳。實其子以庸。而使為吳行人。吳始伐楚。伐巢。伐徐。入州來。則吳之為楚患。固自屈平始也。至襄公二十七年。楚令尹屈建會盟于宋。殆亦屈平之疎族也。明年屈建卒。其子必有嗣。為大夫者。意即此。昭公五年所殺之大夫。屈申與殺屈申而遂以屈生為莫敖。注謂屈生為屈建子。兩人同氏。一殺一置。楚子易之。如反掌。然則屈申之與屈生。其皆屬屈建之子之為兄弟者。必可知矣。建子何以殺屈申。由屈生欲奪其大夫。遂譖之以貳於吳。切中楚子之所忌而殺之也。其貳於吳之譖辭。當謂前屈平之自晉入吳。實其子狐庸為行人。不復返。其後猶有仕於吳者。亦陰以吳楚之故。與屈申轉相關。白云爾。而楚子輒殺屈申。以屈生為莫敖。莫敖楚官名。未詳其義。亦大夫也。屈生之譖行而得大夫。則殺屈申之非其罪。不待辨矣。以是為春秋不削其大。夫之旨。亦允。

# 公如晉

管見：昭公即位及五年，前之二年冬，書公如晉，至河乃復為使叔弓報韓起之聘，疑於輕晉。晉侯御之也。至此年春而公如晉，則依弱令之五歲而朝行之。晉復何辭哉？公於此行甚謹，向之在喪，魯人以為猶有童心者，自季孫宿如晉或亦以聞於晉侯矣。今而朝晉，自邠勢至於贈賄，晉侯亦謂其善於禮，蓋訝前此所聞之未實耳。然則不有季孫宿之專恣無君，彼竊議昭公之不度，必莫得終其為君者，不亦誣乎？

## 夏莒牟夷以牟婁及防茲來奔

管見：牟婁防茲，在今山東莒州東北，莒州即古莒子，其東有瑯琊山，為諸城縣境。牟婁在焉。初，昭公四年，莒人伐杞，取牟婁是也。本杞邑而莒有之也。諸城北為防茲，二邑皆屬莒，亦防如莊公二十九年季孫行父城諸及防。

襄公十二年季孫宿城防則在今交州府瓊縣東北與此  
防之聯茲稱者有辨也城諸及防諸亦指謀城言其所稱  
及防則西及近費之防耳若此年夷之以牟婁及防茲  
奔牟婁亦在諸城茲在諸北又北乃為防也其不稱及茲  
防而曰及防茲者蓋莒之名二邑其序固然莒年夷為牟  
婁大夫以牟婁來奔何以能及防茲乎穀梁曰以大及小  
也牟婁之兼防茲與今府轄州縣其直隸州亦得轄縣者  
似之至其來奔之故自襄公末年莒人弑其君密州莒亂  
昭公元年莒去疾自齊入于莒莒展與出奔吳亂猶未定  
魯以是年三月取鄆於莒即以其秋使叔弓帥師疆鄆田  
于莒莒莫敢禁至昨四年九月復取鄆於莒皆季孫宿所  
私有也於是亟圖善後乘叔孫豹之既卒在廷無以相抗  
亟然而為舍中軍之舉矣舍以走駐為主蓋即分中軍  
以衛其所取之鄆與鄆使莒更無從冀其還取焉耳因  
有叛臣牟夷稔知季孫宿之可恃乃遂以其邑牟婁  
及所兼之二邑為防茲者來奔也斯時季孫宿納之其所

合之中軍。令其守衛牟婁及防茲。必亦同於鄆。與鄆矣。或當用戰。在魯之上下軍。惟所欲用。上下軍之將。亦惟所使。夫寧他有所患乎。觀此年秋之戊辰。叔弓帥師敗莒師于蚡泉。莒之來伐。必為牟夷之。以地奔魯也。而卒為叔弓之師所敗。莒如季孫宿。何。又如莒牟夷。何哉。若前襄之二十一年。邾庶其嘗以漆閭邱來奔矣。漆為庶其之邑。閭邱為界我之邑。明年邾界我來奔。則庶其必為邾所討。而界我乃懼而逃也。季孫宿豈能果有漆閭邱。與以是而知此襄之六年。春王正月。書舍中軍。其為季孫宿之欲保其叛人。收其叛邑。以耦國。偪君者。固不待究詰而逆惡已昭著矣。

# 秋七月公至自晉

管見此年春正月。書公如晉。及秋七月。書公至自晉。聊幸不為二年冬之公如晉至河乃復耳。

# 戊辰叔弓帥師敗莒師于蚡泉

是初弓為叔老之子。系出宣公之母弟叔貽也。季孫宿  
前用叔老以間叔孫豹。欲使叔孫氏不得與季孫氏並強  
耳。叔老卒。復任其子叔弓。故昭公元年秋之帥師。驅邲田  
由之。此年秋七月戊辰之帥師。敗莒師于蚡泉。亦由之也。  
且叔孫豹以去年冬十有二月新卒。豹子叔孫舍。未有以  
自見。則叔弓之為季孫宿用意益勤矣。叔弓帥師。莒亦稱  
師。則其敗莒師者。惟莒人。未討魯之受年夷也。故因而敗  
之。蚡泉。杜注。魯地。其名義界址。無可考。姑從闕焉。至此上  
數條。其為魯事而遞詳其時月日者。正當合看。如前之春  
正月。公如晉。及夏。而莒卒夷。以年夷及防茲來奔。是可見  
來奔之由。皆季孫宿所招納。公以如晉而不獲與知也。今  
之秋七月。公至自晉。值月之戊辰。而叔弓帥師。敗莒師于  
蚡泉。又可見帥師之命。亦皆由季孫宿所指揮。公雖至。自  
晉而僅得與聞也。魯有強臣如季孫宿者。昭公豈不難乎  
其為君哉。



# 秦伯卒

〔管見〕前成公十四年書秦伯卒。是即桓公榮也。豈無名哉。由秦之不以名赴耳。禮惟天王崩赴於諸侯。不稱名。秦自康公與楚莊共滅庸。遂通好焉。楚久僭王號。有君喪。必不以名赴於秦。於是秦有喪而赴於楚。亦不以名。遂因以赴他國。諸侯皆不以名也。魯史闕之。如其赴而春秋必復仍其舊之闕者。欲以見秦之結楚。雖未嘗與楚俱僭王號。而其因君之卒以赴於同列之諸侯。亦復效尤於楚。以僭工禮。有如此。至桓公以後。值今昭公五年。秦景公卒。又其下定之九年。秦哀公卒。哀之三年。秦惠公卒。皆但書秦伯卒而不係以名。則亦同襲桓公之舊而行之也。核以天王崩赴於諸侯。不稱名之禮。其相從於僭者已終數君之世。而猶未有改矣。脫使繼惠公之悼公卒在春秋絕筆之前。其仍書秦伯卒而不名。又惡得有異辭哉。若宋氏鉉翁曰。史失其名。春秋因之。非賅也。湛氏若水曰。來赴故書之。其不

名楚之界故史書之界耳是無關  
於取之義焉按二說並屬未審

冬楚子蔡侯陳侯許男頓子沈子徐人越

人伐吳

管見此年冬之伐吳有越人春秋書之吳越之界始於此  
是子皮以篡弒立四年及三年而為申之會即以其秋伐  
吳執齊慶封殺之遂滅頓值今之四年復於其冬伐吳茲  
因得通於越而為楚舉也越在吳南通越則楚自西而東  
伐吳櫻其前越自吳南而牽制其後是雖不得以師來會  
而與楚遙應亦足以成犄角之勢也然楚子之伐吳固有  
必不能得志於吳者矣何以見之是役也從楚之諸侯以  
蔡侯陳侯許男為先要皆以威方脅之者觀此後二年楚  
子滅陳明年遷許于夷又閱一年楚子復滅蔡然則此蔡  
陳許之三國方岌岌乎不能保其不滅不能保其不遷更

何能待蔡侯陳侯許男之一心并力以伐吳哉。至前之伐吳有頓子胡子沈子淮夷而今則胡子不在列得非以會中而執徐子其心遂叛楚乎。淮夷與徐相結徐子被執淮夷特自從楚伐吳殆欲悅於楚子而期釋徐子耳。已而既釋楚雖徵兵於淮夷而淮夷不應也。惟徐子則猶不能違楚令而亦不欲親行特使其大夫之微者以師會焉。是固可以徐人目之矣。若夫越之助楚莫由會師而約以應應則獨以如期興事者遣使來告亦不過儔於徐大夫之微不足稱已焉。是亦可以越人目之矣。楚其果有賴於越乎。且夫楚之得通於越亦適以越之先警於吳也。楚方欲借越以制吳越尤欲因楚以滅吳矣。越將自為詎能誠為楚耶。以故此年冬之伐吳左傳初稱吳師出遂啟疆師師從之遽不設備吳人敗諸鵲岸楚子以駟至於羅汭吳懼吳也後又稱楚師濟於羅汭遂射帥繁陽之師先入南懷楚師從之及汝清吳不可入楚子遂觀兵於城父之山猶是懼吳也。於是蔡侯陳侯許男頓子胡子沈子徐人未知何

為楚人亦不知安在春秋但書伐吳而無他辭則當其師以還求如去年秋之伐吳猶有執我齊度封與其滅賴之可言者亦不可得矣

六年

春王正月杞伯益姑卒

晉凡稱杞伯者乃周所封以備三恪之杞在今河南之杞縣本伯爵是時為晉悼夫人之母家前襄之二十九年夏晉會諸侯之大夫城杞即此杞伯之杞也至其秋杞子來盟則周以前所舊封之杞耳其爵是子而非伯今山東青州府之安邱境乃其國焉

葬秦景公

管見去年秋書秦伯卒著其處不以名之借王禮固與前秦桓公之書秦伯卒為一例矣至前之不書薨秦桓公者夫非因謚以諱名不名則其謚亦可沒耶然至此復書薨秦景公則何以故亦猶以秦未借號稱王不得與楚之借王號而不書薨者同是當書薨以別之則又後此之秦哀公惠公其並得書薨者之例也

# 夏季孫宿如晉

管見此年夏季孫宿如晉拜公之得見晉侯耳昭公立二年以其冬如晉至河乃復由晉侯卻之也至五年春正月公復如晉晉侯見之且聞其于公之善於禮也郊勞至於贈賄皆無違者故季孫宿如晉拜之以為公意固然也而要季孫宿之借以取悅於晉侯夫孰非為自容之地乎因是而晉侯享季孫宿季孫宿固辭加籩而晉侯亦以為知禮并重其好貨詳見左傳

# 葬杞文公

管見杞伯自前襄公六年春始書杞伯姑容卒秋書葬杞桓公桓公以前之杞伯無書其卒葬者惟杞桓公之卒年當晉悼公之六年杞女先為晉悼公夫人故杞伯桓公之喪諸侯皆使弔其卒會其葬焉於是乎書晉悼公卒子平公彪立平公出自杞女為悼公夫人者因之桓公以後值前襄公二十三年春再書杞伯勾卒夏書葬杞孝公乃及茲昭公六年春又再書杞伯益姑卒夏書葬杞文公也過此以往盡春秋所載若杞伯哀公郁釐悼公成僖公過魯史皆卒葬並書無以杞國小而疎闕於禮者在他國必多同之殆亦由於晉悼公平公相繼假之煢羸固久而未艾也

# 宋華合比出奔衛

管見前襄公十七年。嘗書宋華臣出奔陳。今昭公六年。復書宋華合比出奔衛。豈惟以削爵書名。著華氏二卿之先後皆有罪哉。意蓋並譏執政之左師向戌。實以忌華氏而幸其災。乃能使被罪者並歸。然於宋公而與已。若無與焉。其宋華氏為戴族。其與桓族向戌同時者。惟華元。勢特盛。華元卒。有子華閱。華臣。襄十四年。華閱與於戚之會。以成衛亂。十七年。華閱卒。其弟華臣。侵閱子華臬比之室。使賊殺其宰華吳。及盧門左師向戌之屋。後左師懼曰。老夫無罪。賊曰。臬比私有討於吳左師。亦遂不問。至聞於宋公。命逐華臣。華氏將益替此。正向戌之隱。願也。乃復為之請於宋公。曰。臣也。亦卿。大臣不順。國之恥也。不如益之。夫豈出於中心之誠。然哉。亦欲華氏聞之。華臣終當被逐。奔陳。要無所警於向戌而已。亦越茲昭公六年。華臬比之弟華合比。為宋右師。從於左師向戌。以宋公奇人。柳有寵。太子佐惡之。華合比。我殺之。柳聞而謀逐華合比。乃坎用牝埋書。而告公曰。比將納亡人華臣。既盟於北郭矣。此即祖伊

疾。謂商太子。淫之法也。公使視之。有馬。遂逐。華合比。合比奔衛。華氏。又。以。莖。替。此。尤。向。戌。之。隱。願。也。於。是。合。比。之。弟。華亥。以。代。右。師。乃。與。寺。人。柳。比。從。為。之。微。曰。聞。合。比。欲。納。華。臣。久。矣。宋。公。遂。使。華。亥。為。右。師。及。見。左。師。向。戌。向。戌。曰。女。必。亡。女。喪。而。宗。室。於。人。何。有。人。亦。於。女。何。有。女。其。畏。哉。此。似。貢。之。以。義。而。轉。為。之。慮。後。患。使。圖。其。終。又。豈。出。於。中。心。之。誠。然。哉。亦。惟。使。華。合。比。在。衛。知。向。戌。能。正。斥。其。不。弟。之。華。亥。且。使。華。亥。暱。於。左。師。向。戌。而。幸。不。終。為。華。合。比。之。出。奔。衛。也。則。兩。皆。德。之。而。已。由。是。以。思。華。元。之。與。向。戌。並。非。宋。卿。之。良。者。然。核。其。心。跡。向。戌。之。務。深。藏。猶。不。若。華。元。之。能。顯。白。也。昔。成。公。之。十。五。年。傳。稱。桓。族。蕩。氏。之。蕩。山。為。宋。司。馬。弱。公。室。殺。公。子。肥。左。師。魚。石。及。大。司。寇。向。為。人。少。司。寇。鱗。朱。太。宰。向。帶。少。宰。魚。府。皆。黨。之。華。元。曰。我。為。右。師。君。臣。之。訓。右。師。所。司。也。今。公。室。卑。而。不。能。正。吾。罪。大。矣。不。能。治。官。敢。賴。寵。乎。乃。亟。於。晉。請。師。而。歸。討。之。春。秋。一。書。宋。華。元。出。奔。晉。再。書。宋。華。元。自。晉。歸。于。宋。乃。聯。書。宋。殺。其。大。



夫山而終之以宋魚石出奔楚。因是而其黨向為人。鱗朱  
二司寇向帶魚府。二宰與向。戌同為桓族。皆從魚石以奔  
楚矣。而華元猶以桓族向氏之向。戌為賢。使代魚石為左  
師。初不知其心忌華氏也。然則華元之能顯白。不己為向  
戌之務深藏者所欺乎。厥後華元卒。其子華臣出奔陳。其  
孫華合比又出奔衛。雖降命一由宋公。而執政之左師向  
戌。獨自居於不能治官。而徒賴其寵然。此其內陰刻而外  
調傳。豈欲同於成公時之魚石出奔楚者。其黨向為人。鱗  
朱向帶魚府。亦從之出奔。固大彰明較著。而可直指其為出自宋華元哉。

## 秋九月大雩

## 楚遠罷帥師伐吳

〔晉見〕楚子虔以篡弑即位。當昭公之二年。旋於四年伐楚。  
五年再伐吳。及昭六年。又再伐吳。時楚子陰有懼心。遂不

自將至前會代吳之蔡侯陳侯許男亦無從是役者殆皆  
苦其殘於外命雖使徵其師而莫之應耳觀此後之八年  
楚子滅陳九年遷許十年復滅蔡夫非憤於今之三伐吳  
而並遣楚令或許男從蔡侯陳侯之後頓子以近陳而從  
陳侯沈子以近蔡而從蔡侯亦復於楚之伐吳同為觀望  
不前矣若夫徐子之為吳出陰貳於吳執之亦覺畏威釋  
之仍不見德彼去年之一與伐吳但有徐人無徐子而今  
則並求徐人而亦無之不寧惟是他如越以楚之伐吳將  
為之遙應而使越人通於楚子亦欲相與弊吳以各收其  
利也及越人在楚師中實親見其無功則以命於越而越  
亦與楚絕又何由更有越人至耶故當此年之秋九月楚  
子欲卒伐吳其所用惟楚師耳其所任以帥師惟楚之選  
罷耳以楚子自度詎謂其必得志於吳者在此一舉乎徒  
以令出惟行弗惟反適值彼蔡侯陳侯許男以及頓子沈  
子徐人越人皆不從楚以伐吳而遂並罷楚師使楚之將  
臣戰卒同歸廢弛惡乎可由是而楚以遂罷帥師伐吳非

能赫鏘強自張皇春秋書之  
特譏其為無聊之極事已矣

# 季叔弓如楚

晉見魯於是時兩事晉楚皆以此年往聘惟晉猶易即故  
夏之聘晉則執政季孫宿自行楚之較晉為難近故其冬  
之聘楚則季孫宿使其介卿叔弓行也然季孫宿之自為  
則善矣而就知其使叔弓如楚轉不免於明年三月之公  
復如楚哉蓋楚子虔之沐侈自大見叔弓而知季孫宿之  
如晉其心固當咎其如晉者卒不如楚矣然猶以為不  
道也乃自計其在位已五年前亦聞魯君之初如晉至河  
乃復再如晉而後得見晉侯於晉甚勤何以獨不見其一  
如楚耶以是詰叔弓叔弓當無以應叔弓還以語公公亦  
無以自解也因是於明年三月公不復已而如楚至秋九  
月公乃至自楚然則直謂季孫宿之使叔弓如楚實為公  
迫其行焉可矣豈必如左傳云公將往蒯聵公之前適楚

齊桓以道公  
而後行哉

# 齊侯伐北燕

晉見家氏鉉翁曰齊侯伐北燕將納其君書書伐師出有名也不書所以伐貶也使義而往納賂而還是以不能成功耳汪氏克寬曰晉人納捷菑於邾則書弗克納此不書齊侯納北燕伯弗克納者諸侯失國諸侯納之正也非奉少奪長之比也但齊景受賂而退故止書伐北燕若以莒攻郕而非納燕君者按昭公二年冬書北燕伯款出奔齊又茲已六年而齊侯乃伐北燕以納之則左傳記晏子之言曰不入燕有君矣民不貳矣皆以議齊侯之納燕君遲至六年故至此若其聯言君君納左右譎諛作大事不以此信未嘗可也是又齊君臣之通病然耳家氏江氏專咎其納受賂賂於傳義仍有未當

七年

春王正月暨齊平

晉見暨亦及義惟一概有以及之則稱暨焉魯之與齊其  
 先世交相積怨未得釋至此昭公七年春正月齊求平而  
 魯許之乃自今許平之魯昭公上及於魯先怨齊之襄公  
 遂與今求平之齊景公亦上及於齊先怨魯之靈公莊公  
 不論其事不計其時一概欲因此平以釋怨而敦好是曰  
 暨齊平耳前襄公之十五年夏齊侯伐我北鄙圍成此齊  
 靈公之初舉也十六年春二月齊侯再伐我北鄙其秋又  
 三伐我北鄙圍成至十七年秋齊侯乃四伐我北鄙圍桃  
 並使齊高厚帥師伐我北鄙國防十八年春齊侯不出仍  
 使齊師伐我北鄙魯之遭其困弊者於是已屢而怨實深  
 矣其年冬十月公會晉侯宋公衛侯鄭伯曹伯莒子邾子  
 滕子薛伯杞伯小邾子同圍齊十九年春正月公至自伐

齊齊之受其挫。崩者。於是為大。而怨又彌甚矣。是年秋。齊  
靈公卒。莊公立。及六年。當襄之二十五年。使崔杼帥師  
伐我北鄙。夫非欲報前襄公十一年公以諸侯同圍齊之  
怨乎。已而崔杼弑其君莊公。立景公。為齊侯。及二年。當襄  
之二十七年。齊侯景公使慶封來聘。已而有釋怨。收好之意。  
然終襄公之世。未敢與魯言平也。逮昭公嗣位。至七年。景  
公已在位十三年矣。齊魯未嘗有隙。而景公乃使求平於  
魯。誓以盡釋自來相尋之怨。即約以永敦自今方新之好。  
焉。此公所由承其意以暨齊平也。與其平何以。盟乎。耳。  
觀下書三月叔孫舍如齊。治盟。則知此書暨齊平者。其盟  
書先成。自齊固有齊卿如叔孫舍之。待奉之。以來而公受  
之。以盟其所使齊卿治焉而已。初不必公與齊侯之相見  
也。大抵兩君不親盟。而使其卿治之。必當有兩盟書。如齊  
以書盟魯。魯亦還以書盟齊。其辭大同至。則各為坎。用牲  
諄明神以埋之。所謂治者。當  
不外此治之義。與臨為近。

三月公如楚

管見去年冬叔弓如楚此年春三月公復如楚其為因叔弓以責公之不朝楚可知楚子橫暴公懼此行不可以已矣。

叔孫婁如齊涖盟

管見涖之言臨無他義亦憑以見其盟之有成事耳。叔孫傳曰涖位也。內之前定之辭。謂之涖。外之前定之辭。謂之未。未免費解。

夏四月甲辰朔日有食之

秋八月戊辰衛侯惡卒

見穀梁傳。鄉曰衛齊惡。今曰衛侯惡。何為君臣同名也。君子不齊人名。不奪人親之所。石親其所自來也。王父名子也。王父名子者。注謂如父受命於王父。王父卒。則聽王父之命名之也。此蓋指內則所云。凡父在。孫見於祖。祖亦名之者言耳。其說當並存之。但君臣同名而臣不改出自君命。則可否。則非臣之所敢安也。且雖有君命。亦必其父祖既卒而後可。若幸而尚存。則亦當體父祖尊君之意。而請改矣。豈可執一論哉。至於命名之同。在衛之君若臣。尤為可怪。如衛侯名惡。而衛臣之同是名者。時有齊惡。且先有石惡。何所取義耶。古之君子。不以隱疾避不祥也。若惡為不善之稱。書言作不善降之百殃。夫非不祥之所。哉。非乎。而胡以絕不避也。姑附記於此。以待問辨。

## 九月公至自楚

傳見三月公如楚。九月公至自楚。其間凡七越月。何其久也。傳稱楚作章華之臺。美地志記其遺蹟。在今荊州府之



讀春秋管見

卷十一

昭公八年

二十六

監利縣。荊州。即楚之郢都。其作臺之監利。距楚都二百一  
十里。楚子蓋樂而忘反。其國之臣亦遷朝矣。諸侯至楚都  
者。惡從得見楚子哉。且此年之公如楚。為楚子之以不朝  
責公而有是行也。以責公而公來。楚子意猶未釋。則或欲  
朝而猝不得。聞既朝而歸。又猝不得。請於是。其如楚至自  
楚者。當不能不於春三月而及秋九月矣。至論楚子所以  
處公之狀。傳言享公於新臺。知公必就朝於新臺也。又言  
其享時好以大屈。以為寶。而又悔之。遂啟疆復為說。言以  
怵公。公反大屈。此其自却。勞至於贈賄。欲求如晉之猶有  
禮焉。其可得乎。公尤以善於禮。見稱於晉侯。而適值最  
受之。其母殆莫甚於此者。

冬十有一月癸未季孫宿卒

傳見前襄公五年冬十二月辛未。季孫行父卒。季孫宿前  
為卿。欲以武自見。當襄之十一年春正月。作三軍。此其所

先勝矣。十二年春，救台，遂入郕。十三年夏，取邾。十五年夏，城成郕，以卒救成。時季孫宿帥師自許也。至十八年冬，公會諸侯，同盟齊。二十年秋，仲孫速伐邾。二十三年秋，叔孫豹救魯。二十四年春，仲孫期侵齊。昭公元年春三月，取郕。秋，叔弓驅邾師，四年秋九月，取郕，其國之興，師與夫諸卿之帥師，亦皆由季孫宿主之。若夫五年之春正月，舍中軍，則又為之作長計矣。是年秋，叔弓亦敗莒師於紛泉，乃恒有耳。復何足云哉？閏一年而值今之七年，冬十有一月，癸未，季孫宿卒，謚曰武。計魯三家之為世祚自是共有一勞於國，必令從祀先公之廟。禮記明堂位云：魯公伯禽之廟，周之文世室也。武公敖之廟，周之武世室也。由是以推，前季孫行父謚文，當早從祀於魯公之廟矣。今季孫宿謚武，不即將從祀於武公之廟也耶？

# 十有二月癸亥葬衛襄公

晉見傳載衛襄公卒。立靈公元。靈公有兄縶。嘗出曰。襄公之妾。嬀始。元生。終及六年。縶亦當在十年。以內其廢。縶立元之故。據衛臣孔烝鉏及史朝所言。獨謂縶之足不良。而弱。行益有之矣。至於推言元之當立。以爲未生而先徵於夢。康叔實命之名。又。以爲既生而復見乎筮。易卦實建其嗣。烏可信哉。蓋由孔烝鉏老而將死。欲使其曾孫孔烝得卒。相靈公。其史朝亦溺於衰。有子史苟。當襄公二十九年。傳於季札。適衛已與運。瑗。史。錯等連類稱之。則史朝亦欲令其子得從孔烝。以相靈公也。於是奉靈公而立之。即託爲夢與筮。以神其說。互相闢通。爲之宣布。朝野諛媚。幼君子孫子而固其寵祿焉耳。

八年

春陳侯之弟招殺陳世子偃師

管見左傳云陳侯元妃鄭姬生世子佗師二妃生公子留  
下妃生公子勝二妃嬖留有寵屬諸司徒云子招及公子  
過皆陳侯弟也又云陳侯有廢疾則或至此年春而加甚  
於是公子招主謀而公子過從之遂殺陳侯之世子佗師  
立公子留為世子殺梁傅云師曰陳公子招今曰陳侯之  
弟招盡其親也諸侯之尊兄弟不得以屬通其弟云者親  
之之辭視而殺其君之世子所以惡招耳汪氏克寬曰經  
書殺世子者三晉獻嬖奚齊卓子而殺申生宋平嬖佐而  
殺痤陳侯嬖留而殺佗師皆嬖子匹嫡之禍也然申生  
之誅權在於晉宋之君故雖亂國而不至於亡陳哀基  
造禍勢不兩立遂至寵弟戕其國本而且以愛順其身而  
國隨以亡矣其罪不又甚於晉獻宋平也與故申生與  
皆曰君以殺惟佗師之殺曰陳侯之弟招夫以弟繫之陳  
侯則陳哀之罪章章明矣不曰殺其世子而重舉國者佗  
師非招之世子也下書楚滅陳執招殺之以見楚之滅陳  
託於討招而公子留之嬖實亡陳之本也已按合觀傳說

其義詳盡

夏四月辛丑陳侯溺卒

管見左傳云夏四月辛亥陳侯哀公緄按經書辛丑傳言辛亥差十日杜注以為從赴曲說耳蓋經書陳侯之卒日據魯史也而傳言陳侯卒之赴日豈魯史固以卒日赴日並載之耶不然何所據哉無據則畧之可耳再按陳侯弟招殺陳世子偃師必由陳侯之既病故也。是以但云侯聞世子偃師之變恚而病甚遂卒無不可者而左傳指其卒為緄史記陳世家復因而附會之乃曰陳侯怒誅招招發兵圍守陳侯陳侯自經殺則恐益不免於非其實矣非其實又烏容泥通

叔弓如晉

管見孫左傳所載此叔弓之如晉本為晉作虎祁之言而  
賀之也。總乃以吉如晉而已。則以魯之畏晉其於虎祁可  
不賀而不賀不賀是特以其賀之者貢諛求悅於晉耳。故  
前之而不明言以見其為魯之恥也。通觀於游吉之相鄭  
伯如晉亦以賀虎祁故。晉史趙見子太叔游吉曰甚矣其  
相索也可弔也而又賀之此其不得已於言之意獨曰游  
吉之相鄭伯以來為尤可不必也豈能於叔弓之如晉而  
無譏乎。至游吉之答史趙曰若何弔也非惟我賀將天下  
實賀是又噫借魯叔弓之如晉以解嘲矣。若令史趙亦  
見叔弓當其相與問答復何能於游吉之辭有以異哉。

## 楚人執陳行人干徵師殺之

## 陳公子留出奔鄭

管見干姓微珣名以陳大夫為行人使於楚楚執而殺之  
以視前楚子密之執鄭行人良霄為加甚焉則何以故由

此先之二年為昭公五年。楚子欲卒伐吳。有命徵師。而陳侯與蔡侯許男先以連歲從伐吳。師疲敝而莫之應。楚乃獨用其國之師。而使蓬罷帥之也。如是則陳既叛楚矣。值此八年夏。陳行人干徵師。又胡為而至楚乎。惟是其年之春。陳侯之弟招殺陳世子偃師。立公子留為世子。夏四月辛丑。陳侯溺卒。招奉公子留為君。而相之。未得遽定。仍欲倚楚之勢以為固耳。因是使行人干徵師赴於楚。且告有立君。即借以悔其先君不克會師伐吳之罪。且矢自今以往。君以新君委心事楚。而無役不從也。夫豈不料楚子之必許哉。然楚子之怒陳方甚。其志將必滅陳。復安能見陳行人干徵師而不逞其憤乎。執而殺之。楚子絕不知為非其罪矣。此實重乖君道。其貶絕而稱楚人。固宜。至於行人干徵師執殺於楚。而陳所已立之公子留一聞之而遽出奔鄭。豈畏楚與。亦以權奸叵測。有轉不能不畏殺世子偃師之公子招者。蓋招殺陳世子而立公子留。欲托於楚以定其位。使使告之。而楚不許。其行人干徵師亦且無辜被

戮。北。其。所。出。必。謀。改。立。世。子。偃。師。之。子。吳。以。復。告。於。楚。也。夫。特。立。公。子。留。即。可。以。殺。世。子。偃。師。若。特。改。立。世。子。偃。師。之。子。吳。寧。不。可。以。殺。其。已。立。之。公。子。留。哉。公。子。留。卷。有。見。公。子。留。乃。汲。汲。出。奔。鄭。以。逃。死。耳。春。秋。書。曰。陳。公。子。留。出。奔。鄭。死。亦。幸。其。決。舍。非。分。之。君。位。而。猶。得。以。脫。身。逃。害。不。失。其。為。亡。公。子。與。

## 秋蒐于紅

帝。是。非。五。年。冬。季。狩。宿。卒。季。孫。意。如。嗣。為。卿。值。今。六。年。秋。蒐。于。紅。則。欲。皆。季。孫。意。如。之。繼。武。子。以。耀。武。也。其。於。秋。蒐。蒐。若。凡。四。季。春。蒐。不。及。冬。狩。之。盛。入。春。秋。以。來。田。繫。於。公。皆。曰。狩。如。桓。四。年。之。公。狩。于。郎。莊。四。年。之。公。及。齊。人。狩。于。禚。是。已。季。孫。氏。以。大。夫。專。兵。柄。輒。用。師。以。田。乃。特。取。春。蒐。之。義。名。之。曰。蒐。其。冬。狩。最。盛。之。虛。名。則。以。讓。之。公。耳。至。此。後。之。十。一。年。書。大。蒐。於。比。蒲。二。十。二。年。又。書。大。蒐。於。昌。間。皆。自。茲。蒐。于。紅。始。而。其。蒐。不。稱。大。或。指。為。闕。文。非。也。蓋。



獨用季孫氏所將之中軍以田其上。下二軍之分將於叔孫仲孫氏者皆不與。則但曰蒐而已。若夫合井上下二軍而季孫氏以中軍統之其田比諸大閱並請於公以臨觀之。即因而馳逐之乃別以大蒐稱焉。其不遽大蒐而特以蒐始則又何為乎。以先之五年春季孫宿舍中軍是分所轄屬之軍以屯駐於邊鄙要處也。不從他侵伐而主於防禦有必驅以校獵而使之發揚振奮者發揚振奮之謂作殆亦本於季孫宿之作三軍而承其意以作中軍也。與紅杜注魯地沛國蕭縣有紅亭蕭縣今屬江南徐州府本宋地去魯為遠至傳言自根牟至於商衛杜注亦云商宋地魯西境接宋衛也是不為愈遠乎。按傳之言蒐于紅曰自根牟其地見於經猶可據此求之昔宣公九年秋取根牟魯取之也。根牟在今山東青州府沂水縣南本莒之鄆邑昭元年三月季孫宿伐莒取鄆此必其舍中軍之一大駐防也。紅當在其境焉。然則季孫意如之蒐于紅其心實為成莒以圖鄆也云爾。

# 陳人殺其大夫公子過

官見左傳云陳公子招歸罪於公子過而殺之則經所書陳人殺其大夫公子過也家氏鉉翁曰過與招同為亂但首從之不同耳吳氏澂曰陳哀公溺厲留於招與過故招過同殺世子二人之罪均也招畏楚人來討故歸罪於過而欲免已耳鄭氏玉曰過不去大夫公子所以明招之為首使招不得以過說於楚而掩其罪也據諸說申之招之殺公子過必謀改立世子偃師之子吳者為立吳而殺過能不能殺與過同立之公子留哉留之出奔鄭善矣不然何以免焉又經書招之殺過而不及立吳楚不容招之立吳也觀下書冬十月壬午楚師滅陳陳滅又何有於吳而言乎吳不立而招之罪得正矣於時楚子執陳公子招放之于越獨殺陳孔奐春秋猶憾楚度非討賊之人未得遂殺公子招也故著其為首惡以書於

春曰陳侯之弟招殺陳世子偃師

# 大雩

管見昭公在位終八年。初以三年書秋八月大雩。必因旱禱雨也。而其下即聯書曰冬大雨雹。則固未嘗見其為雨矣。繼以六年書秋九月大雩。又以此八年書秋大雩。必皆因旱禱雨也。然但書曰大雩而止。亦何嘗卒見所為雨哉。聊幸不若三年冬之大雨雹焉耳。

## 冬十月壬午楚師滅陳執陳公子招放之于越殺陳孔奭

管見不書陳師則楚子自將也。然書楚師而不書楚子夫亦猶是削其爵而書楚人之例耳。至左傳云楚公子棄疾帥師奉孫吳圍陳宋戴惡會之冬十一月壬午滅陳皆不得泥着。蓋棄疾或從楚子亦不得專稱帥師也。時楚子將

滅陳其偏近於陳之末。不能殺而轉使戴惡以師會楚。豈其然與？又孫吳為陳世子偃師之工。經但稱吳楚若秦之以國陳當滅陳之日。何以置之其能。不與陳公子招以俱放。且甚而與陳孔奐以俱殺哉。凡皆例以經書十月傳改十一月者。目為臆定可矣。楚師滅陳。執陳公子招放之于越。何緣而不遽殺招耶？楚師冬至。招先以其秋歸罪于公子過而殺之。則不得為主謀殺世子偃師者。是足以欺楚子。楚子亦遂貸其死而放之也。其放之定地於越。殆因五年冬之伐吳。越與楚通。知必有能受而加之禁錮者矣。招放于越。得不殺而於陳孔奐。則必殺之。其罪人豈楚子之所能。上核哉。今取胡氏寧之說。斷之。其辭曰。孔奐陳之賊臣也。蓋殺世子偃師。公子招實為主謀。而孔奐行之。故書曰殺陳孔奐。不言大夫。非陳之大夫也。此於陳孔奐之聽從以殺世子偃師者。其罪狀明。即於陳孔奐之所聽從。初非與謀之公子過實為主謀之公子招者。其罪由亦俱明矣。而楚子之殺孔奐。先乃不殺招而放之于越。馬則何嘗

能辨  
及此。

# 葬陳哀公

管見左傳云。楚滅陳。陳與嬖袁克葬陳哀公。其書葬者。杜注亦云。魯往會葬。葉纂案。趙氏謂陳已滅矣。袁克非大臣。何能辦葬。死君又何能告諸侯。使會葬。黎氏謂陳為楚師所焚。魯豈於其葬而使臣往會之。蓋楚入陳。自以其君在殯。因取而葬之。與莊四年。齊侯葬紀伯姬。同。彼曰齊侯蓋上文。無葬滅紀之文。今已書楚師滅陳。則下云執公。招殺孔奭。葬哀公。皆蒙上文云。夫齊襄之暴。不滅楚。雲齊襄滅紀而葬其夫人。以示禮。楚靈滅陳而葬其故君。以示恩。其校偽之智。正相符合。二家謂為楚葬。立說同。似有理。然左傳明言與嬖袁克殺馬毀玉。以葬。且從傳文可也。至其駁杜注魯往會葬之說。則有確乎不可易者。楚既滅陳。諸侯震恐。故下文九年春。魯使叔弓會楚子于陳。以致其

教立有未加敬于楚之前。反先使人如陳會葬陳君之理。蓋必魯注會葬而後書者常例也。獨此沒魯未往會葬而書葬者。是亦所謂存陳之意而已矣。證據此中之傳。無陳克殺馬毀玉以葬哀公。楚人將殺袁克。袁克請賓之。既又請私盡君臣之恩。私于懼。加經于顙而逃。然則袁克之葬哀公亦皆請於楚子而楚子許之也。又豈得謂葬哀公者非楚子哉。以傳與說之分見者而兩存之。其事不相掩亦相成矣。

## 九年

### 春叔弓會楚子于陳

管見左傳九年春叔弓來華亥鄭游吉街趙鴈會楚子于陳孔氏穎達曰此與宣十五年公孫歸父會楚子于宋其事同也。楚子在彼魯敬大國自往會之非楚子召使會自以小國事大國之禮往。王氏沿曰內朝聘皆言如今楚子

在陳不可言如陳故以會為文春秋不與楚滅陳故上書  
楚哀公下書陳災今書叔弓會楚子于陳皆以存陳也許  
氏翰曰楚既滅陳威震諸夏是以無所號召而諸國之大  
夫會之陳氏傅良曰諸夏之大夫旅見于楚於是始舉魯  
以見其餘也家氏鉉翁曰繼滅陳而書譏也楚滅人之國  
天下所當同嫉魯以望國倡諸侯預會故譏按合觀傳說  
推闡無遺

## 許遷于夷

管見許自成十五年遷于葉葉本楚縣蓋許男偃於鄭乃  
以其故許子楚而易楚之葉以圖存耳及茲既四十三年  
前皆謹事楚近以昭之五年楚子聯三歲伐吳未有問其  
卒適與蔡侯陳侯皆不以師會楚子憤甚既以去年冬滅  
陳又將於明年冬滅蔡而此年之春則乘之以遷許于夷  
也左傳謂夷實城父杜注城父縣屬譙郡今江南鳳陽府

楚州東南七十里。有城父。故城。汪氏克寬曰。夷一名城父。  
本陳地。楚滅陳。遂遷許於此也。此得其要矣。至傳詳遷許  
之事。是奪葉而與夷。取州來。淮北之田。以益之。使伍舉移  
許界田。使然丹遷城父人於陳。以夷之濮西田益之。州來  
在淮南。而取其田於淮北。以益新遷之許。豈以夷之田。固  
不足以安許哉。亦因夷本城父。楚以城父人遷于陳。而又  
於城父之今為夷。首裂其濮西之田。以益城父人。乃別於  
夷之外。取州來。淮北之田。以益許焉。耳。然州來雖楚地。而  
潁吳。經於明年冬十月。書吳滅州來。許復何能有其田也。  
耶。至是而許之危弱。其不同於滅者。亦無幾何矣。凡皆由  
楚度之貪暴。不欲許男有楚之業。而使遷於滅陳所并之  
夷。故至此。然春秋以許之自遷為文。不書楚遷許于夷者。  
殆亦蒙前後文存陳之意。以並存許也。與。

## 夏四月陳災

讀春秋管見

卷十一

昭公九年

三六



〔晉〕見〔家〕氏〔鉉〕翁曰。陳已為楚所縣。俾其臣偕爵以居之。而猶書陳災者。以盛德之後。見剪於楚。特著義存之耳。不與楚得陳也。按此中明公穀存陳及閔陳而存之之意。較諸說為遠。

## 秋仲孫矍如齊

一官見仲孫矍。仲孫羯之子也。後諡僖子。左傳。孟僖子如齊。殷聘禮也。按此前二年。春王正月。暨齊平。三月。叔孫舍如齊。涖盟。則及茲三年。而仲孫矍如齊。以為殷聘之禮。是矣。但此為恒事。春秋例不悉書。今書者。殆以魯三家之盛。如昭之七年冬。季孫宿卒。八年秋。之蒐于紅。即其子季孫意如之嗣為卿者也。勢當浸而益盛。毋論已。昭四年冬。叔孫豹卒。越三年。為昭之七年。其子叔孫舍如齊涖盟。亦為卿。此於魯之季處而叔出。所自來。因能踵之。至於仲孫羯為以前襄公薨之三十一年卒。歷此昭公立之九年。既十年矣。而其秋亦復有子仲孫矍如齊焉。由七年之暨齊平。以

結好即當使其卿以時殷聘於齊也。維時仲孫閱見膚  
是命。寧不與前叔孫舍之如齊。盟者同得。以宗邦事。而  
者聞於大國乎。然則魯三家之在昭公時。絕不見其有  
一瀕於衰歇者。而昭公之難乎為君。於斯亦概見矣。

## 冬築郎園

管見桓公四年春。公狩于郎。知郎之為園。以行狩。由來久  
矣。至昭公三十一年春。築臺于郎。是非築園也。園以行狩。  
臺以觀狩耳。若此。昭之九年冬。不書築臺。而書築園。俞氏  
皐曰。創立例。書築園有垣之苑也。然則郎本為園。而後築  
之。則欲加廣于其舊矣。此其侵沒土田。以規其域。因之絲  
以周牆。計茲勞費。煩劇豈昭公之擁虛器者所能興。是與  
哉。殆皆由季孫意如之私志先定。亦告公而假其命。以為  
歸怨之地。與季孫意如何為而為此。為昨八年秋之苑于  
紅。既以季氏所屬之中軍耀武。尤當并叔仲二氏之上。下  
軍共統之。為三軍。以振威于大蒐也。觀于十一年夏大蒐

于比蒲。又二十二年春。大蒐于昌間。皆即在今九年冬所築之郎園焉。爾雅。初築而未成。則猶稱郎園。及其既成。則加以二名曰比蒲。曰昌間也。猶之莊公築臺于郎。至文公時之毀泉臺。公羊傳曰。泉臺者何。郎臺也。未成爲郎臺。既成爲泉臺。是未嘗不異名矣。郎臺改作郎園。添作又何疑於郎園。既築而不能無比蒲。昌間之異名乎。至論其命名之所以取義。則又欲蓋其築郎園之浸沒土田。以妨氏業也。郎在今山東兗州府魚臺縣。即魯之棠邑。以隱公嘗釣魚於棠。有觀魚臺。故取以名縣焉。從可知郎與棠地相埒本多。下濕。其自生之蒲與昌殆彌望。皆是也。字典蒲水可以爲席。亦有可供食者。周禮。鹽人有深蒲。詩大雅。維及蒲。是已比音毗。即蒲生密次之狀。昌通菖。本草。蒲類之昌。盛者。公食大夫禮有昌本。注謂昌蒲本。並屬左傳亦稱昌歟。皆不作菖。間猶今言中間。謂昌之隙處也。以是名郎園之增築者。不啻直指爲汙萊所在。固宜爲之。以防以畜獸。俾得教兵戎於田獵。我然魯之郎園一而已。以增築而

有比。及昌間之名。通見於經。則即國之加廣於舊。不惟倍之而已。以為無妨於民業。其誰信之。故春秋於此年冬。但書曰築郎圓。初不指目其築之者。惟合參於後之書比蒲昌間。而其築郎圓之罪狀已為得實。即可於此蒲昌間之兩書大蒐而不書狩者。並前之書蒐于紅。則知魏狩者為昭公。稱蒐與夫蒐者。固為季孫意如。其後何待明書季孫意如之築郎圓與。

# 十年

## 春王正月

## 夏齊欒施來奔

管見齊惠公之後有公子高。公子樂為樂高氏高生公孫。黃樂生公孫寗。是稱二惠。昭三年公孫寗卒。子樂施嗣為

卿八年公孫蔓卒。子高彊為大夫。少。樂施為治其室。殺蔓家宰梁嬰。殆惡其不忠於高氏耳。其他家臣私於梁嬰者。皆曰。孺子長矣。而相吾室。欲兼我也。授甲將攻樂氏。陳無宇前與公孫蔓善。亦授甲將助之。是欲傾樂氏而逐施矣。或以告樂施。施不信。則數人告將適高氏。又數人告于道。乃如陳氏。此告者適從何來。耶。是時陳無宇將出。聞樂施至而還。去戎備。着游戲之服。以逆施。施問陳無宇所之。報對曰。聞彊氏授甲將攻子。子聞之乎。曰。弗聞。無宇乃翻然曰。子盍亦授甲。我請從之。夫無宇先將助高氏攻樂氏。此復改助樂氏攻高彊。何變詐乃爾。而樂施則止之曰。彼孺子也。吾誨之。猶懼其不濟。吾又寵秩之。為之立宰。若轉而相攻。其如先人何。子盍謂之。使無攻我。陳無宇乃稽顙曰。頃公靈公將降福於子。吾猶有望矣。此言將誰欺乎。蓋齊景即位。既十六年。其廷臣以樂高為最。陳鮑亦即次之。值茲高彊少而附於樂施。鮑國亦哀而黨於陳無宇。故陳氏之與樂氏。外和而內忌。前夷高氏之生。蒙而國之未得遂。

不能以忘情也。乃及茲十年夏，漫言高彊惡陳鮑氏，何樂施以共攻之？亦即有人告陳無宇，並告鮑國。其告鮑國者，可不謂由造難者之陰為指使耶？當陳無宇授甲而如鮑氏，遭高彊醉而勝，遂見鮑國，則亦授甲矣。使視二子，則皆將飲酒，無字曰：彼雖不信，聞我授甲，必逐我。及其飲酒也，先伐諸陳。鮑方睦，遂伐樂高氏，以此論之。伐者有罪，被伐者宜無罪矣。無何，高彊謂樂施曰：先得公以自助。陳鮑馬往從之。樂高欲入，景公不聽，遂伐虎門。虎門為公之寢門，而稱兵以犯之，則罪在不赦。夫非孽由自作，與至公使王黑以重姑鉞之旗率戰于稷門，敗之又敗諸莊國人追之，又敗諸鹿門。樂施高彊來奔，則亦圖苟免於不可活之罪已也。若夫傳言樂施高彊而經，但書樂施者，注謂高彊非卿，故不書。春秋重誅首惡，蓋亦有此例焉。

秋七月季孫意如叔弓仲孫矍帥師伐莒

管見此年秋七月之帥師伐莒亦因莒之來伐而伐之耳。前襄公末年莒人弑其君密州魯以昭公元年三月取郕乘其亂也。秋叔弓帥師疆鄆田至五年夏莒牟夷又以牟婁及防茲來奔魯納之於是莒師來伐故其秋七月戊辰叔弓帥師敗莒師于蚡泉也。及茲既越五年莒之亡四邑而敗師豈得忘情於魯哉亦足知魯今之帥師伐莒為應兵非莒師不起而自魯始也。徒以莒人退走不戰則不得如前此敗之于蚡泉者必當夾入莒師以實之乃但書伐莒而止也。季孫意如之帥師於伐莒始見觀其八年秋之蒐于紅固宜踴躍用兵矣欲不親行也得乎其佐之以叔弓者亦謂蚡泉之敗莒師有成績於此仍得資其出勝算耳。至於挈仲孫貜以偕行又或因其去年秋之如齊克膺使命尤欲使之歷戎行以徵其武用之有備與。

戊午晉侯彪卒

九月叔孫舍如晉莖晉平公

管見原於晉侯之卒其有魯使如晉會莖而特舉其名  
氏者前惟文公六年八月乙亥晉侯驪卒冬十月公子遂  
如晉莖晉襄公乃一見此惟昭公十年秋七月戊午晉侯  
驪卒九月叔孫舍如晉莖晉平公乃再見時有為也公子  
遂初為僖公所寵任文公立黜之用公孫敖未幾而復改  
用公子遂卒成十八年殺子赤以立宣公之禍故先於文  
公六年之十月特書公子遂如晉莖晉襄公欲以著其能  
逞逆惡者之因是基始也叔孫舍事昭公其二十三年為  
行人以如晉晉人執之踰年而始歸叔孫舍無所屈於晉  
卒成二十五年矢志從公而不附於季孫之節故亦先於  
昭公十年之九月特書叔孫舍如晉莖晉平  
公欲以著其克效忠勤者之從此見端也

十有二月甲子宋公成卒



「不見」此年十有二月，不稱冬。孫氏復以為脫字。殆未必然。按禮記月令：言季冬行夏令，則時雪不降，冰凍消釋。又前僖公三十三年：書冬十有二月，隕霜不殺草。李梅實：氣候之失正，或亦有見於今之昭十年者。春秋以是為季冬行夏令也。故特不書冬以紀時變焉。至於十有二月甲子，宋公成卒，則但詳其月日可耳。豈必同於史冊之編年者，並當繁之以時也哉。

# 十有二年

## 春王二月叔弓如宋葬宋平公

「管見」宋公成以妾子得立為世子，由魯伯姬歸為宋共公固之夫人。亟請於共公而立之。其賢素著，共公以成之。十五年卒，世子成嗣之。在位四十四年。思魯之三君，魯重伯姬亦重伯姬所立之宋公成也。故襄之三十年夏五月甲

十年伯姬卒秋七月魯使其卿叔弓如宋葬宋共姬及莊  
昭之十年冬十有二月甲午宋公成卒十有一年春二月  
魯亦使其卿叔弓如宋葬宋平公高氏聞曰卿共盟主之  
重猶可言也卿共同列之葬非禮甚矣此於當日之情事  
未審

夏四月丁巳楚子虔誘蔡侯般殺之于申

楚公子棄疾帥師圍蔡

晉見前楚子以三年中聯伐吳其後之一舉使遂罷帥師  
徵師于蔡陳許不應遂怒其叛楚于是罷吳師一年及昭  
之八年冬楚師滅陳執陳公子招放之于越殺陳孔庚九  
年春以許遷于夷又踰一年為今之十一年報有事于滅  
蔡故其夏四月丁巳楚子虔誘蔡侯般殺之于申楚公子  
棄疾帥師圍蔡以詐圖其君以強陵其國一時並起勢分

而機應楚子之謀。蔡其惡極矣。名楚子者。高氏閔曰。蔡侯殺弑逆之罪。雖義所當討。而楚子亦弑逆之賊也。以賊討賊。何辨曲直。況楚子非真治般。志在滅蔡也。故春秋書楚子虔。蔡侯般。同斥其名。以見其罪同耳。按此說。最得經旨。蓋昭之元年冬。楚子麇為令尹。公子圍所弑。其跡甚秘。故但書卒而已。惟其下聯書楚公子比出奔晉。使人推其出奔之由。乃知比為右尹。實偪於令尹。公子圍之弑麇而自立也。圍實弑麇。而使其罪在隱。雖間者。何以故。為國既自立。而更名曰虔。欲有以自匿耳。直書公子圍弑其君麇。而轉不得實。乃因此年之誘殺其弑君之蔡侯般。特追正其罪。而書之曰。楚子虔以為是。殺蔡侯般者。即弑其君麇之公子圍。而更名為虔者也。楚子虔何以別於蔡侯般乎。至其誘殺蔡侯般。所以誘之者。傳特稱蔡大夫以為幣重而言甘。彼楚子之誘蔡侯。詎須以重幣哉。謂其言甘。則近之矣。其言如何。由楚子殺蔡侯于申。以推申為楚地。在今南陽之宛縣。去蔡頗遠。即昭之四年。楚子蔡侯陳侯鄧伯許

子與子申之地也。今楚子復至於申。召蔡侯般。當謂蔡之事楚。陳許為久。此先六年之遠罷伐吳。蔡亦不復會師。必棄陳許之欲叛而蔡不能以有異耳。是陳許在所必懲。而蔡猶可原矣。且此日之伐吳。其事未竟。則往時之會申。其好猶當修也。以是召蔡侯般。蔡侯亦知楚子貪而無信。不敢行。而要有所不敢行者。固。料不行而違楚子。楚師必至。即將與陳俱滅。並無望如許之仍得還矣。無何蔡侯般至於申。見楚子。楚子伏甲以襲蔡侯。遂醉而殺之。蓋欲使蔡無君而乘之以取其國耳。於時楚公子棄疾先受命於楚子。亦度蔡侯至申之日。亟帥師圍蔡。以環而攻之也。再按此書楚公子棄疾帥師圍蔡。有正意。亦有餘意。觀此年之冬十有一月丁酉。楚師滅蔡。執蔡世子有以歸。用之。其借以正蔡侯般弑君之罪者。此其終事也。而公子棄疾之帥師圍蔡。夫非其始事乎。不寧惟是。觀此後二年之夏四月。楚公子比自晉歸于楚。弑其君虔于乾谿。楚公子

棄疾殺公子比而自立以代虔其足借以正楚子虔弑君之罪者此其後事也而公子棄疾之帥師圍蔡夫非其先事乎是當推論之矣

## 五月甲申夫人歸氏薨

管見魯之妾母書夫人者自僖公之母成風始其卒亦書薨此歸氏為齊歸乃敬歸之娣昭公之母也於此年夏五月甲申書夫人歸氏薨有自来矣至前之襄公薨立敬歸所出之子野以毀卒將立昭公穆叔不欲以為子野本非嫡嗣何必立其娣齊歸之子是子野之母亦非襄公之嫡夫人矣然自昭元年至哀十四年再無有卒襄公夫人者何哉其或以襄公之夫人固無子而年有永猶得存于春秋之後故不及書其卒與

## 大蒐于比蒲

仲孫閱薨于紅。不稱大。此曰大薨。則與襄公十一年春。齊侯薨。三軍同矣。比蒲。乃即圓之分名。由季孫意如。以十一年冬。葬即圓而增之。既成。因特及此。十一年五月。令中軍合於上。下二軍以試大蒐也。然王制云。天子諸侯無事。則歲三田。孔疏。無事者。謂無征伐出行喪凶之事。此年上書五月甲申。夫人歸氏薨。非有喪事乎。小君猶在殯。其國卿季孫意如。乃從事于大蒐。則負罪已重。若復強請於公。以致公亦不免越綽而行事。而季孫意如之罪益不可勝誅矣。

## 仲孫閱會邾子盟于祲祥

魯見昭公元年六月丁巳。邾子華卒。前於襄之二十八年。春。來朝。與魯為好。故魯亦及其卒年之秋。使人會葬。邾悼公也。悼公之後。邾子穿嗣之。即位既十年。當今昭之十一年。邾子以其五月來請盟焉。適月之甲申。公母夫人歸氏薨。大嘗見。卷十一。昭公十一年。

公在喪。喪不貳事。禮辭之。願以異日。可也。而必使仲孫  
纘會邾子盟于祿祥者。豈公之志哉。使以季孫意如當國。  
其父季孫宿乘莒亂以圖莒。莒亡。邾牟婁及防茲四邑。  
憤而伐魯。魯復敗其師于汾泉。懷怨四年餘。又於去年秋。  
來伐。季孫意如與叔弓仲孫觀共帥師伐莒。蓋亦以莒為  
勦敵也。而莒遽退走不敢戰。夫非力圖後舉且謀得邾以  
自助乎。計自襄之八年以後十八年以前。莒之伐我東鄙  
者三。侵我東鄙者一。又續以邾之伐我南鄙者一至再焉。  
此實莒結於邾之前事也。賴爾時晉侯初立。襲悼公之餘  
烈。會渙梁而並執莒子邾子盟祝柯而。又獨執邾子。魯於  
是乎始安一越于今。莒之強如故。而晉之霸益衰。莒苟復  
振邾子以病魯。晉能復執邾子以庇魯耶。魯將備莒之患。  
必急敦邾之好。故當此年夫人歸氏薨之五月。邾子來會。  
公不得自會。則即使仲孫纘會之初。不顧其出會而犯禮。  
邾子來會而請盟。公不得親盟。則即使仲孫纘盟之卒。不  
顧其重盟而輕喪也。凡皆季孫意如之私志。惟所欲為。而

出於此者。夫至殺祥地名。杜注闕或言  
當在今兗州府滋陽縣境。未審果否。

季孫意如會晉韓起齊國弱宋華亥衛  
北宮佗鄭罕虎曹人杞人于厥慙

〔管見〕會于厥慙左傳以為謀救蔡殆未必然楚子之滅陳  
在此前四年。晉亦置若罔聞。則其漠視遷許又毋論已。及  
此年之夏四月。楚子誘殺蔡侯般于中。公子棄疾族師  
圍蔡。蔡將與陳俱滅矣。晉更何以救之。蔡在陳南。欲救蔡  
必先復陳。欲復陳必先敗楚。晉文城濮之役。既為之難  
繼。即厲公州蒲之幸勝于鄢陵。亦不可再也。晉之不能  
散號召諸侯之卿大夫。以倡言救蔡乎。且楚之先滅陳。由  
陳侯之弟招殺陳世子偃師。欲立公子留。陳侯以是卒陳  
之亂已極矣。至蔡侯般以世子弑其君國。又為亂敗之尤  
其自立為君十餘年。未聞有討之者。彼晉之韓起主于救



蔡將執何辭以詰責楚子哉。蓋其不能不為此會者。以晉之韓起執政十一年。深咎前趙武臆定弭兵之說。使向戌成之。盟于宋。頃使晉楚並霸。閱五年。又為之會。號以國前盟。是時之公子圉。即此楚子虔也。其橫暴之狀。晉與諸侯之卿大夫已共覩矣。未幾而陰謀楚子麇以自立。輒為會于申。定議伐吳。睽三歲不得志。乃借端滅陳。復遷許。今尤期於滅蔡。皆宋之盟有以啟之也。自是以往。楚子虔不死。晉之外。惟齊患差緩。他若魯宋衛鄭及曹杞。漫將及此。滅陳蔡之後。伺其間而國之庸可不早慮乎。以故於此年秋。季孫意如會晉韓起。齊國弱。宋華亥衛北宮佗鄭罕虎。曹人杞人于厥憇。皆晉韓起之所招集。欲使舍其向之會于彼者。轉而從今之會于厥憇者也。其會無他約誓。惟各慎固封守。除戎器以戒不虞。伴楚子虔恣行壘惡罪。盈自斃已耳。若蔡之事楚久。楚不顧而救其君。圍其國。勢必不救。即相從於已滅之陳。則亦與遷許俱毋論焉可也。

九月己亥葬我小君齊歸

齊見齊歸也。夫人別為謚而不從君。自稱公之夫人。文姜始其後亦率以為常矣。

冬十有一月丁酉楚師滅蔡執蔡世子有以歸用之

信見胡傳。世子為繼世有國之稱。必以此稱。余有者。父母之仇。不與共天下。與民守國。效死。不降。至於。屈就擒虜。用其身。而不顧。則有之。為世子之道。得矣。趙人與權曰。楚虔誘殺蔡君。而圍蔡。頃兵八月。蔡城不下。則。世子有不肯為之服也。城陷。就執。虔忿其淹楚之師。故歸用之。經詳其事。窮楚惡也。按前稱帥師。則公子棄虔之圍蔡。楚子固猶然居。于中耳。至聞之既久。而滅蔡。則但稱師。不稱帥。是聞蔡之役。及楚子自申至蔡。而蔡始滅矣。其執蔡世子。

有以歸用之。蓋使刑人截其耳以告功于廟。與詩稱款款同也。非殺牲以祭之比。至傳指所用之地曰河山。不害。為其山亦無可考。

## 十有二年

### 春齊高偃帥師納北燕伯于陽

管見昭公三年冬。北燕伯款出奔齊。傳謂燕簡公多嬖。欲去諸大夫而立其寵人。冬。燕大夫比以殺公之外嬖。懼奔齊。然未聞其別立君也。六年冬。齊侯伐北燕。其為納北燕伯必矣。卒之弗克。納故獨書伐北燕而止。及茲十二年春。齊高偃帥師納北燕伯于陽。傳曰。因其眾也。注謂因陽之眾。欲納北燕伯。而因以納之耳。然陽為北燕之別邑。豈嘗入其國都而正北燕伯之為君乎。計前衛侯衎亦出奔齊。衛孫林父將殖立公孫剽。後衛侯入于夷儀。寘焉。伐

其君剽衛侯復歸于衛是雖出奔而國仍有屬及其復歸而身亦有終矣若夫北燕伯之出奔齊亦同於衛侯衛今得高祖帥師納之于陽又何異於衛侯之入夷儀然其間已歷十年初既無謀篡之賊人卒亦無反正之志王夫非燕大夫之比黨據國即共成一燕君率是為常亦立能使燕君之去國者雖假齊勢以入於燕之別邑而迄不能有其國哉春秋書此蓋深慨於君弱臣強之故其變為益奇也陽杜注燕地陽即唐燕別邑中山有唐縣人立縣保定府唐縣東有漢唐縣故城春秋時曰陽也

三月壬申鄭伯嘉卒

夏宋公使華定來聘

管見左傳曰宋華定來聘通嗣君也高氏因曰公始以卿叔弓共平公之葬故宋元公嗣位而即使來聘也按合觀

傳說其

意始完

# 公如晉至河乃復

帶見左傳云公如晉至河乃復者以取郕之後莒人愬于晉晉有平公之喪未之治也故此年夏公如晉辭公公子慙遂如晉按前之十年秋七月季孫意如叔子仲孫覆伐莒若果取郕經文當繫之伐莒之下與元年取莒之郕及四年再取莒所滅之鄭為一例也而胡以獨闕乎且計昭公之十二年中絕未嘗有莒子之從晉役者則雖愬於魯之取郕亦無緣哭見晉侯而愬之矣又晉侯夷純立二年公之如晉始朝也縱使莒子不揣沒以取郕赴愬晉侯豈肯以此愬魯而辭公之來朝至河者哉是必不然竊意此年冬十月公子慙出奔齊左氏為之傳與明年春之取郕帥師圍費事相通撮其大要特為季平子意如不費卒南蒯南蒯私謂公子慙曰吾出季氏而師其費

公。子。慙。代。其。位。我。以。費。為。公。臣。公。子。慙。許。之。夏。公。如。晉。公。子。慙。從。焉。既。而。南。荆。將。攻。季。氏。懼。不。克。輒。以。費。叛。入。于。齊。公。如。晉。至。河。則。南。荆。之。亂。乃。自。河。而。復。不。得。卒。如。晉。使。公。子。慙。奉。其。朝。幣。以。致。命。於。晉。侯。告。以。故。是。則。公。之。旋。車。言。適。為。休。於。費。卒。南。荆。之。作。難。而。自。復。耳。以。視。昭。二。年。之。書。公。如。晉。至。河。乃。復。實。由。晉。侯。平。公。彪。之。辭。之。者。其。言。同。而。其。言。之。意。自。別。

# 五月葬鄭簡公

管。上。前。夏。公。七。年。晉。會。諸。侯。于。鄒。鄭。伯。見。頑。如。會。未。見。諸。侯。卒。于。鄒。實。由。鄭。卿。公。子。慙。者。欲。阻。鄭。伯。之。如。會。而。脅。以。從。楚。鄭。伯。不。聽。遂。使。賊。夜。弑。之。以。疵。赴。諸。侯。疑。而。莫。能。察。亦。於。其。明。年。會。莒。鄭。伯。信。公。楚。則。其。君。弑。賊。未。得。討。遽。遣。而。行。之。反。壞。樹。之。使。鄭。伯。見。頑。衛。寬。地。下。豈。不。哀。哉。同。時。其。子。嘉。生。五。年。耳。奉。而。立。之。立。三。年。而。後。盜。殺。其。首。惡。公。子。

駢並其黨公子發公孫恢亦庶幾得以原鄭伯見頑之靈也。自是在位及三十六年。襄公以前何嘗聞鄭之執政有良大夫乎。惟昭之元年會執及昭十一年會厭慙兩見鄭罕虎者。差強人意。且引子產佐之。鄭用以寧。然則此年之三月壬申。鄭伯嘉辛。獲保首領。以沒。至茲五月。莖鄭簡公為之除道而崩。諸侯之賓集不憚日中而始返。亦可謂大幸矣。

# 楚殺其大夫成熊

管見楚殺其大夫成熊。春秋不削其爵。而並標其名氏。蓋大夫之良而敢於犯楚子。成者說文。成虎行貌。前楚子却敖名麋。麋鹿屬。亦呼為麋。虎能噬之。然則楚公子國之弑。麋自立而更名曰成。亦欲著其威之所及。皆麋然莫之敢櫻云爾。而其時有大夫成熊者。為前楚令尹成得臣之後。因氏成而以熊名。熊為雄義。唐柳宗元僊說曰。鹿畏龜。龜

與虎長。熊、熊本熊類，亦虎之敵也。此大夫能不畏楚威而自成其熊之名，固當也。顏諫諍，雖死亦不避矣。此數年中，楚子滅陳，遷許，旋復滅蔡而於蔡尤為虐焉。先既誘殺蔡，使殺于申，後復以滅蔡而執蔡世子有以歸，用之。其大夫成熊能不逞其熊，直以進規與楚子，雖惡其逆耳而猶斥為愚忠，可勿論也。至是而忽殺其大夫成熊，則何以故？傳謂其或諧成熊於楚子，是矣。但其諧之之辭必誣為退有後言，肆情謗訕。楚子怒，遂命殺之。然楚威之虎威足以殺大夫，而大夫之自成為熊，獨能犯楚子之虎威，以死而不悔其名氏不可沒也。古以熊為男子之祥，亦比於丈夫之雄。人之克體此意，以自成其身者，曾有幾哉？如楚大夫成熊，則真奇男子、烈丈夫矣。紀其名氏不即足以徵其行跡也耶？或曰：春秋書法，此條直以名氏作傳贊，似為創例。在他經亦有可援以共證者否？曰：有。昔秦穆公卒，其殉葬用百有七十七人。子車氏之三子與焉，皆秦之良國人。哀之，賦黃鳥。其首章曰：子車奄息，奄息也。屏息者為端人，故



曰維此奄息百夫之特二章曰子車仲行仲中也中行者為正人故曰維此仲行百夫之防三章曰子車鍼虎鍼刺也刺虎者為勇人故曰維此鍼虎百夫之禦維為思維之維皆謂因其奄息仲行鍼虎之名而思之而子車氏之三子其並為秦之良者已可概見

秋七月

冬十月公子慙出奔齊

管見夏五月公如晉公子慙從之至河公聞魯有費宰南蒯作亂乃復使公子慙如晉慙卒事而還及冬十月以與於南蒯之謀欲去季孫意如而代其位南蒯懼不克遂以費叛公子慙聞之不敢入魯乃不復命於公而出奔齊

楚子伐徐

晉見自昭公四年以來。楚子嘗聯三歲伐吳。最後伐吳者。即師亦徵師於蔡。陳許。以乃徐而皆不若先之。與伐吳者。各以師會楚子。怒其叛也。先以八年冬十月滅陳。旋於九年春遷許。踰一年為十一年。其冬十一月復滅蔡。而今乃及此十二年之冬十月卒有事於伐徐耳。左傳云。楚子狩于州來。次于潁尾。使蕩侯。潘子。司馬督。鬬尹。陵尹喜帥師圍徐。以懼吳。楚子次于乾谿。以為之援。然則此年之書楚子伐徐。正欲見明年之楚公子比弑其君虔于乾谿者。實因於伐徐故。其弑之。地在乾谿也。

## 晉伐鮮虞

管見鮮虞。杜注。白狄別種。在中山新市縣。今直隸真定府新樂縣西南。有新市故城。俗名新城鋪。其地有鮮虞亭。史記索隱曰。中山。古鮮虞國。姬姓也。又路史國名紀。子姓國。鮮虞子。中山新市也。有鮮虞故城。白狄別居。種 largest 晉伐

之。按地志以直隸真定為鮮虞。其地左界太行。太行起河南。及山西澤潞。迤邐而接大同之恒山。多為狄所萃居。各成部落。以為北狄別種可矣。必舍北而稱白。則泥。若夫鮮虞所據。本為中國諸侯封地。所由來莫可的指。則其或稱子姓。或稱姬姓。姑置弗論可也。但自入春秋以來。書狄之為難者。絕不聞有鮮虞。及茲昭十二年。晉獨何為伐之。且自今伐鮮虞以後。十五年。再書晉荀吳帥師伐鮮虞。至定之四年五年。既書晉士鞅衛孔圉帥師伐鮮虞。又聯書晉士鞅帥師伐鮮虞。未已也。哀公六年。仍特書晉趙鞅帥師伐鮮虞。其間亦絕不聞有書鮮虞伐晉者。則其罪專在晉矣。故此年之初伐鮮虞。特書晉以統其君與卿。而斥責之於鮮虞。無譏焉。晉字須重讀。

十有三年

春叔弓帥師圍費

晉見賈南廬以費叛故季孫意如使叔弓帥師圍費  
春秋書此者見意如以公臣而無君則南廬亦以家僕而  
叛主故尤之罪加甚遂至起兵動衆環而攻之如敵國然可不戒哉

夏四月楚公子比自晉歸于楚弑其君虔

于乾谿

晉見乾谿杜注在譙國城父縣南今江南鳳陽府亳州東  
南有乾谿與城父縣相近即漢之城父縣也前昭公元年  
楚子麇卒實由公子圍弑之今所謂楚子虔者是矣於時  
右尹楚公子比避其難遂出奔晉及茲凡十三年值去年  
冬十月傳稱楚子虔伐徐次於乾谿為之援其先嘗使公  
子棄疾君所滅之陳蔡主方城之外有事蔡大夫朝吳之  
覲從率羣失職者以棄疾命召公子比於晉既至盟諸鄧  
帥師入楚殺楚太子祿及公子罷敵脅比而立之使令於

乾谿曰：先至者役其田里，師潰而歸。楚子虔繼而死。春秋於此年夏四月，書楚公子比自晉歸於楚，弑其君虔於乾谿。家氏鉉翁曰：比雖未嘗事虔，然虔兄也，比弟也。虔君楚國十三年，比自外來歸為君，而虔死，不曰弑君，可乎？是固然矣。但此書楚公子比之弑其君虔，尤欲為楚公子棄疾之弑其君虔定案耳。啖氏助曰：棄疾以圖君位而殺比，其罪均也。然則觀下文，聯書楚公子棄疾殺公子比，是知棄疾之欲代虔為君，與比不兩立，其以殺之者，喪比之魄而實攝其魂，體猶一體，心猶一心，行猶一行也。彼弑其君虔於乾谿者，可猶以自晉而歸於楚之公子比尸其名哉。

# 楚公子棄疾殺公子比

管見：汪氏克寬曰：楚共之子，長則康王，次虔，次比，次黑肱，次棄疾。棄疾因虔無適而謀代其位，以己次居幼，不足以服國人，故脅比而立之，其意與蘇氏轅直綱棄疾以比為名者正同。是為得其立比而旋殺之之情矣。至殺比之始

末詳載左傳初稱觀從謂公子比曰不殺棄疾雖得國猶受禍也比曰余不忍也觀從曰人將忘子吾不忍侯也乃行繼爾國殺蕩曰王入矣棄疾復使人周走而呼王至徧國中國人犬驚遂使變成熊走告公子比曰王至而國人殺君司馬將來矣衆怒如水火不可犯旋又有呼而走告者曰衆即至公子比懼乃自殺他有從之死者姑置弗論可耳於是棄疾即位更名熊居蓋比于晉實晉教凡楚之不成君無號謚者皆謂之放比亦從其例焉高氏問曰棄疾本國位而脅立比比既立遂殺而篡之改名居蓋弑君之人名在消法之策故公子圍改名虔公子棄疾改名居也大業疾之肆其險殺禍詐若此當時惟一觀從得窺其秘而已至若公子比者不特無死而亦惡死也哉

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平

八月甲戌同盟于平丘

管見計前襄公二十五年夏晉會諸侯于夷儀秋八月己巳諸侯同盟于重邱至二十七年夏叔孫豹會晉趙武楚屈建及諸侯之大夫于宋秋七月辛巳盟于宋使晉與楚為成將圖弭兵以寧中夏也自是以後及今昭公十三年諸侯之不親會盟而惟以大大夫會盟者既經十八年矣初昭之元年春正月晉趙武楚公子圍復會諸侯之大夫于號以固宋之盟其冬十一月公子圍弑其君廩而自立更名虔右尹公子比出奔晉四年楚子虔遂會申伐吳五年及六年又聯伐之未得志八年乘陳亂滅陳放公子招殺孔奐九年遷許于陳之夷十一年誘殺蔡侯般旋滅蔡執蔡世子有以歸用之值昨十二年復伐徐楚子虔次于乾谿為之援橫暴極矣今年夏楚公子比自晉歸于楚弑其

君度于乾谿皆公子棄疾為王謀其實欲自代度而特先  
以江北以為名也於是立不踰月殺殺此而篡其位更石  
居此其陰謀詐尤惡于是子度諸侯其能堪乎晉乃天  
此年秋而以會于平邱諸侯使相視曜即期以八月甲  
戌同盟于平邱共矢一心并力以絕楚而為之戒俗也但  
自會盟于宋以速會就皆以大夫從事耳今欲續前之諸  
侯會楚儀以同盟于重邱者令諸侯畢集其能致乎因思  
襄之三年六月公會單子晉侯宋公衛侯鄭伯莒子邾子  
齊世子光己未同盟于雞澤由悼公假寵于周而請王卿  
單子以莊盟故其時齊為晉匹齊侯不至其世子光亦至  
焉不寧唯是陳久事楚而陳侯忽使其臣袁僑如會晉亦  
即於月之戊寅使魯叔肅及諸侯之大夫及陳袁僑盟  
悼公以是待諸侯而司馬氏振雞澤之同盟然以單子今  
會于平邱而重之以同盟亦得別子以莊焉可知經於  
此年秋書公會劉子晉侯宋公衛侯鄭伯曹伯莒子邾子  
滕子薛伯杞伯小邾子于平邱即聯書八月甲戌同盟于



說春秋管見卷十一

三十三

平邱意蓋以為不有別子晉固未能必得此會以同盟也  
至若會于平邱之先傳言晉侯越平邱而會吳子于良是  
在下邱即今淮安府之邳州吳子以宋道不可解之乃還  
度此事亦所必有初悼公既會諸侯以同盟難澤族欲通  
吳以犄楚一自會吳于柵遂與諸侯勤三駕之師鄭由以  
服楚莫敢更爭然則楚之居國南鄉苟懷北方可圖之銳  
志亦賴吳之有以牽掣其東也在今之晉侯夷不亦熟明  
而審計哉以故平邱之會盟諸侯猶在後而其欲會吳子  
于良者乃獨先也然至良而吳子辭會當其還至平邱因  
叔向示威之言使羊舌肸攝司馬治兵于邾南甲車及四  
千乘亦無聊之極事耳其足以震懾諸侯也耶春秋書此  
特以志晉合諸侯由是止鄢陵之後參盟復作晉不主盟  
矣夫晉昭立三年以諸侯會于平邱亦即同盟於平邱而  
其無能為之勢已可推見彼先之求會吳子于良而不得  
會其忍恥尚堪言哉故雖  
傳有其事而經則無文

公不與盟

晉人執季孫意如以歸

公至自會

管見左傳言平邱之會。邾人莒人愬于晉曰。魯朝夕伐我。幾亡矣。我之不共。魯故之以。晉侯不見公。使叔向來辭。諸侯將以甲戌盟。寡君知不得事君矣。請君無勤。知公之不與盟者。職是故已。但爾時之愬於晉。當先莒而後邾。自昭公以來。魯乘莒亂。以元年三月。取邾秋。疆邾田。四年九月。取莒所滅之郕。五年夏。莒牟夷以年婁及防。茲來。魯納之。莒情甚。以師伐魯。魯又敗之於枋。泉。至九年秋。以月。季孫意如叔弓仲孫觀復伐莒。則莒之怨深矣。詎知惡情於魯哉。適當魯伐莒之月戊午。晉侯元子夷五。立於侯。在位及三年。而徵諸侯會于平邱。以同盟。魯乃去。豈不

國莒子為首。數國必將以尋故怨于晉矣。至于邾子志方以昨十一年夏。仲孫緩會之。盟于穀祥。而令輒棄盟。以附和莒子。其而。仲孫緩之收邾田。自鄆水。雖久而。恐水得釋莒子。引之。而邾子亦從之。與夫莒邾同怨。其意將如何。蓋欲晉之蹙其怨而遂執公耳。前襄之十六年。晉平公承悼公之餘烈。以其元年會諸侯于溴梁。晉聽魯之怨。而執莒子。邾子以歸。後又以其四年盟諸侯于祝柯。晉復聽魯之怨。而執邾子。夫豈不欲因此平邱之會。愬魯於晉。而即得晉之遂執公乎。且悼公以前為晉厲公川蒲。以成之。十六年秋。會諸侯于沙隨。不見公。公復從晉伐鄭。九月。晉人執季孫行父。舍之于莒邱。公羊傳曰。執者不舍。而舍者。公所也。注謂昭公二十三年。晉人執我行人叔孫婁。不言舍。今言舍者。以公在莒邱故也。據此。則是年九月。但書晉人執季孫行父。舍之于莒邱。諱公之被執也。今使晉侯莫欲執昭公。不亦。有前事之可踵行者乎。然晉昭猶未收如焉。公州蒲之橫暴自逞也。故獨使公不與盟。而以莒邾之怨。

從公之卒，意如以歸而已。其執歸于晉，傳言所以從之，意如者以慕之，使狄人守之，與厲公之執，法孫行。子孫非此，不言舍之，亦以著今之公不與盟而。其言也，非因楚而卒，書公至自會，蓋幸之也。

## 蔡侯歸于蔡陳侯吳歸于陳

意如，列氏綯曰：陳蔡者，先王之封國，非楚可滅，非楚可復。故子自書歸言二君之嗣位，其所固有，國其所以歸也。二君名者，素非諸侯至此始立也。馬氏閔曰：楚靈不道，暴滅陳蔡而平王始依陳蔡之國，藉以發難。今既得位，遂復陳蔡以報其功，暴靈之惡而歸恩于已也。吳氏澂曰：廋蔡靈公之孫，吳陳哀公之孫，當有其國而為君者也。按三說已盡經旨。

## 冬十月葬蔡靈公

常見陸氏淳曰。國復乃莖。凡三十有一月。按蔡靈公般。以世子弑其君。因而自立。則弑君兼以弑父。是為亂賊之尤矣。既越十三年。乃由楚子虔誘而殺之于申。論周官九伐之漢。則當殘之。暴露猶失刑也。何莖之有。及楚子居復蔡。蔡侯盧或請于楚而莖之也。不然。胡由而得莖乎。然楚子居亦一蔡侯。似耳。方自立公子比。而弑其君虔。旋復自立。而我其所立之公子比。則是朕弑兩君也。不又為亂賊之尤哉。今值昭之十三年冬十月。適以楚子居而莖蔡侯般。故春秋不削蔡靈公之莖。欲並見楚平之許莖蔡靈公者。皆為亂賊之尤。乃見其生而同惡。死而相恤。有如此。

# 公如晉至河乃復

管見左傳云。公如晉。荀吳謂韓宣子曰。諸侯相朝。請舊好也。執其卿而朝其君。有不好焉。不如辭之。乃使士景伯辭公于河。以此推之。辭公者。非晉侯。乃晉卿耳。晉政多門。其諸卿皆招權納賄。而託彊家。故不必告之晉侯。即可。王

季孫意如而使叔公也。蓋公之如晉。既以平秋之會于平。以歸。日。言郤之懇。未得與。八月甲戌。之同盟。而其不與。季孫意如。同執之。以歸于晉。法。來。季孫意如。當其公至。自介。於。九月。旋。又。於。其冬十月。如。晉。安。適。於。朝。晉。侯。以。綽。其。德。云。前。惟。季孫意如。之在晉。聞之。蒯。蒯。公。見。晉。侯。而。晉。佳。請。以。茂。暴。營。郭。之。故。公。或。以。為。晉。侯。意。如。之。事。擅。而。出。乎。此。縱。有。以。自。解。其。執。之。者。能。遂。釋。乎。乃。急。賂。求。晉。卿。如。傅。所。稱。荀。吳。韓。宣。子。之。等。並。及。其。大。夫。之。可。任。使。如。士。景。伯。者。皆。有。賂。遂。假。晉。侯。之。命。伺。公。之。至。河。而。辭。之。公。安。得。卒。如。晉。哉。此。其。至。河。乃。復。賈。由。在。晉。之。季孫意如。有。以。使。晉。辭。公。而。晉。侯。亦。不。知。也。

宣公之惘然以歸而已。

## 吳滅州來

〔管見〕州來淮南下蔡縣是已。今壽州北三十里。有下蔡城。劉氏敬曰。左氏謂州來為楚邑。非也。州來本小國。世服于

楚未嘗特與諸侯盟會。嚴氏啟隆曰。州來迤北則魯。迤南而西則楚。吳待州來可以窺楚。楚控州來可以禦吳。故州來。吳楚之扼要也。按前成公七年。吳入州來。入則取之。不待言。而仍未盡也。及茲昭公十三年。歷五十六年。而吳滅州來。則州來之與吳有矣。左傳又于十九年。稱楚人城州來。經不書。當不以此為也。自今滅州來以後。歷二十四年。為定公四年。吳入郢。郢屬楚都。而吳之入郢。遠與昔之吳入州來同。何以其易石此。然則今之滅州來。自昔之入州來始。後之入郢。又自其昔之入州來而。今滅州來始矣。嚴氏曰。州來為吳楚之扼吭。吳得州來。即可以窺楚。豈不誠然乎哉。